

四庫全書

子部

欽定四庫全書

子部
通雅卷一

詳校官中書臣朱文翰

員外郎臣牛稔文覆勘

總校官降調編修臣倉聖脉

校對官中書臣王瑄

謄錄監生臣徐步青

欽定四庫全書

通雅卷一

明方以智撰

疑始專論古篆古音

副墨洛誦推至疑始始作此者自有其故不可不知不可不疑也世變遠矣字變則易形音變者轉也變極反本且以今日之音徵唐宋徵兩漢徵三代古人多引方言以左證經傳方言者自然之氣也以音通古義之原也若後世已成之義則諸儒辯難已著典要但須考耳

古寤即悟 悟字不見六經昉于西乾乎黃帝經云神乎神耳不聞目不明心開而志光慧然獨悟若風吹雲

然不必此也子思曰吾嘗深有思而莫之得也于學則寤焉寤即悟也悟者吾心也邵子曰天之大寤在夏此與復見天地之心顯南面而看北面矣

貞即真 真字六經不見昉于莊子亦昉于黃帝之經許慎說文以真為化形登天支矣愚按慎獨之慎從真何謂真非古有乎正亦平聲貞與真通篆作鼎因貞悔而設也古作貞則貞真之通明矣文王于剝復之後不曰貞卦而曰無妄亦可參也因真有妄覺妄歸真果然

無妄真亦不立慎獨之中安得不研幾至此乎大畜天
衢一多相貫之薪火正因也柴廣進曰真從正聲善從
神聲體從理聲用從容聲專從中聲通從同聲即此聲
明一端亦可引觸

學教覺俱從攵 學字本于孝聲生于覺孝覺始于攵
交而攵則二乂也乂古五字一畫倍之而交午也古孝
從攵從子作孛謂子效父也效孝通矣古孛即通為學
以人子而交古今孝天地也加口回之也白左右手奉

之也古李即通為教加支也後作數禮記引說命曰學
學半非其通乎從教發聲則覺之聲也小篆乃分別李
從老部耳可信學也者覺悟交通誦習躬效而兼言之
者也心外無物物外無心道以法用法以道用全用全
體吾人本具者也悟從吾心吾從五而口自問之中又
加二為五此一用二之交格交貫者也吾所從來請從
此入

宗尊一字 禮有宗從宀從示藏神祇而尊之于室中

也孝經宗祀注尊祀也宗尊同音古帝尊盧氏一作宗
盧左傳伯宗公羊作伯尊禮于六宗宗亦為尊宗彝乃
尊彝賈逵以宗盟為尊盟也升菴曰儀禮注布八十縷
為一宗宗古升字也按古音升作宗易彖傳曰天險不
可升也與以剛中也叶是其證智按中叶軍如風別即
分別之類耳因不失其親亦可宗也吾人所最親切者
在何處耶是何因耶莊子曰以天為宗以德為本以道
為門兆于變化謂之聖人提宗實見于此子思提於穆

之天命而標未發之中然不急口曰我以為宗也仲尼不鐸悟而鐸學孟子道性善明仁義切切人道不得不爾後世談道之病躁于標宗而行解不相應則管東溟所謂高標絕學導浮啟偽者也時至機發又不得已惟在開千古眼發大願力者因邪撥正綸而彌之

疑矧一字 疑惑也更其切從子從止幼子多惑會意

矣聲徐錯曰矣古文矢正訛作矣說文又曰矣鋒也孫氏昨木切矧字亦更其切說文曰語未定也伯温曰從

山古化字變化未定會意智以為即疑之省文也周疑
生豆銘曰單矣生匕蓋亞朱雲亦載王庶子碑作與郭
昭卿字指作焱存又切韻作𠄎省文作𠄎魏子才創𠄎
為疑字吳元滿作𠄎以為𠄎𠄎即癡字古疑實有疑癡
凝疑四聲然以為𠄎惜他無足證也趙凡夫泥𠄎訓語
未定而疑訓惑則凡遇疑詞斷之當用𠄎字不知未定
之訓即是惑意且許氏說文亦自用疑無用𠄎者其為
重文更何俟辯或以𠄎為擬

有吳無吳 古人少家麻音皆入他韻智前論之詳矣
詩曰不吳不教吳音話亦家麻入夷模之一端也何承
天以為話當作吳從大口訛為吳此由不知古音吳從
口從矣亦人身印首之形話言之義其所當然何為復
造吳字乎楚金好鑿惟此為是王仲行知天吳誤斧之
音誤已見談藪戴合溪乃更主承天之說生立吳字後
人且引鮪夷為吳夷愈支離矣吳之為吳猶角本有祿
音而復造角字也王伯厚博矣而詩考亦引說文作不

吳不教豈未見徐氏本邪張子厚理窟專主吳字之說
楊升菴信之乃云吳自吳吳自吳並戴就傳之誤斧亦
作鋸甚可咲也吳慎之知吳字而又曰謬音吳為華此
不知古漢相轉處耳

有角無角 角古音祿詩以叶屋東方以叶足仲長統
以叶俗升菴曰宋史崔偓佺對真宗分刀下用與一撇
者咲其不考古而作傳者亦盲弱侯魯以對壬辰主考
陳玉壘而歎士俗不可醫可謂明著矣智按孫愐唐韻

載角于沃韻云又音覺韻學大成莫如唐韻而郭恕先
佩觿乃致辯角角為兩字因而王伯厚之博洽作姓氏
急就亦分角角而不知其誤此猶在前如近代李士龍
朱光家張位程至善各著字書以此自任李士龍之音
義便考又弱侯序而刻之者經升菴弱侯累辯明析而
諸公仍復斷斷以角角為二此何故邪升菴言宋史崔
偓佺傳事見東郭事略宋史無崔傳升菴滇南書所記
憶一時失考耳

有繇無繇 繇之有宙音始於顏師古其說曰左傳始
作繇曰漢典引五繇前文紀注占謂其繇本作籀字籀
乃史籀之名後因以大篆為籀文或者占辭亦籀文也
方子謙曰韻會原注又尤宥韻而宥韻字誤作繇集韻
本作繇近見周啓明考誤云繇繇二字不同蕭宥二韻
當各出按說文止有從系作繇字書並無繇字子謙之
辯可謂明甚今見梅氏字彙分出繇字議之且確此類
正誤後學不得不為提出智方謂左傳所稱占辭之繇

者仍是謂其來由之詞耳以古史之名為篆書之名因而為占詞之名殊不必也又况分作此繇字乎說文作繇隨從也漢朱龜碑作繇省作繇推原母母亦屬周秦間分別之學又况窀窆全全底底圮圮之類乎然世變既繁不得不爾所以合所以分皆當知之世以六書為細故復古編佩觿集之所以分原在所忽又何由詳所以合乎如吾所論道本易簡

免讀為媿之原 檀弓免馬之免注鄭氏曰以布廣寸

從頂中而前交于額又卻回繞髻別作絕音問管子夏
三月五政其三政曰禁扇去笠毋扱免注云禁扱枉免
袒者不欲惡盛陽之氣也信如此說則禁扇去笠何為
蓋不過作其敬耳免謂免冠也後世相沿稱五服為袒
免唐有議袒免禮宋有詔宗族袒免之後不復推恩袒
免之內以試出仕袒袒其衣免免其冠今之始喪者披
髮以布裏頭是其遺也如此則止當讀勉音何必更音
問問之音蓋鄉語謂以布蒙頭也陳書媿以鴨肉數鬻

胡三省曰江東以物蒙頭曰媿此其漢人之遺音乎程泰之確言免不當音問董彥遠戴合溪皆然郝公主之推其原蓋漢時事變義起不得不分別故未分字先分音取其易記耳

汶嶠文免之音 汶有三音岷多作汶注去聲遼東汶城讀如文此皆各處方言分別耳按汶書作岷注在齊南魯北境上晉書成帝紀濟岷太守劉闔降于石勒嶠山導江亦作嶠以岷山為北嶠汶上為南嶠可知古人

皆讀汶如民轉而讀文文音近氲轉而為問故免亦讀
敏敏轉而穩故分免為穩因轉而讀免為媿淮南子芻
狗之始文以青黃纏以綺繡注文纏皆去聲此文字即
媿字免字音義

封別為塋窆 禮記縣棺而封請似機封皆讀為窆字
窆方驗切下棺封土也亦作塋封之為義以手封土易
曰不封不樹其義甚明後人好分別而借音則止當用
塋廣川書跋曰元祐二年永城下得石如豐碑其上刻

銘曰沛國臨淮時窆石室永建六年鄭眾曰窆謂葬下棺也讀如汜祭之汜左氏謂之備檀弓謂之封昔人謂其聲同也蓋周漢之聲與今自異嘗謂墓誌有銘在漢則杜鄴甄豐然樹之于外其後如繆襲輩刻官代納之壙中皆在永建後然刻銘墓中不知何時而于所見者永城窆石最先由此言之則窆音方驗切乃漢末方言之訛者也智按賈公彥改音窆方驗切又載劉音窆後人止知仲師讀汜音梵耳不知古泛亦通風凡亦生風

故泛駕造叟字音捧吕后傳自起泛孝惠卮徐廣音捧
今欲別封則轉聲為棚可也正合仲師之訓

犧獻不當音娑頰不當音班準不當音拙魄不當音拓
犧尊音娑五歌韻收之此緣鄭氏注周禮犧尊故也
康成注禮器云畫作鳳凰尾娑娑然故音娑此何所據
直是臆說耳南史劉杳傳曰刻木為鳥獸鑿頂及背以
出納酒魏時魯郡得齊子尾送女器永嘉中賊曹疑于
青州發齊景公冢得二樽亦為牛象阮湛三禮圖畫為

牛象王肅主此說按此則直作本音原無娑音五歌韻
不當收入矣董彥遠黃長睿言從首受酒後復合之非
鑿背以此斥阮諶劉杳之誤智謂古器不拘豈無有鑿
背者如今寶鴨之類乎董黃偶見一種耳其可咲者孫
恂收歌韻而今日韻書不敢刪去陳皓集禮記注尚依
鄭氏之謬說周獻豆亦曰刻畫鳳羽故名夫物之娑娑
豈必鳳羽邪郊特牲曰醖酒況于清汁獻況于醖酒注
汁獻讀如汁孛言為摩娑拒鬯及鬱金之汁夫可獻神

者曰汁獻甚通而乃以摩娑改獻為挈乎山草堂必知其誤而讀書通載犧獻為娑且云右軍父子以此名試問右軍七子何以處操之微之乎可以一咲笏大夫以魚須文竹陸德明音須為班而疏引庾氏說以鮫魚須成文與應氏說合駁之明矣而字彙須字尚收班音正如輶從重顏氏家訓已明辯玉篇之誤收黯矣而各書尚載黯字也以準音拙者服虔音漢高傳隆準而誤也蓋臆與頤通頤字見素問文穎即以服應二說為非矣

以皇象之碑觀之則拙乃當日之方言相混也準字本之允切以水取平也考工記權之然後準之或曰寇萊公為相行文書者改之或曰蔡京家諱也然唐韻及顏氏干祿書已並出準准二字以准為俗書漢酈食其傳落魄鄭氏音薄應劭如字今問奇集乃音落拓而指南從之總因編書者曾無考核就便抄襲耳字彙因韻會韻會因唐韻玉篇經史諸儒之辯論全未寓目也近日方公禹修因張洪陽作問奇廣誤皆此類吾獨訝焦氏

刊誤如顏之推駁曲逆不當音去遇明矣而焦仍音去
遇王元美載台台為二字王焦讀書人何乃與凡夫謙
甫隨行逐隊邪

鮑誤音紂 汝南郡有鮑陽縣應劭曰在鮑水之陽孟
康曰鮑音紂紅反襄四年左傳猶在繁陽注在鮑陽縣
南鮑音紂每訝其奇後漢書陰興子慶封鮑陽侯注鮑
音紂孫恂東韻鮑字下云又直蒙直柳二切字彙鮑丈
九切此皆地理志注之音紂紅而訛失其下紅反二字

也戴氏定為徒紅篆蛹二切韻會補定音冢則緣紂紅而改為上聲也鯛從同自音同推因古人口齒同重相混如種種通用衝衝鍾鍾皆是一聲後漢書引熾熾為炯炯可證今人所爭而是正者皆守晉唐之音釋也

橐臯之音拓姑 九江郡有橐臯縣孟康曰音拓姑此

或因春秋洛姑而誤及橐臯耳 春秋橐臯注在淮南浚道東南乃浚道縣也今

廬州府巢縣有拓臯河疑即橐臯 或當時有此方言而今變邪恐是訛

音然未如鯛有紂紅反之確證故不敢沒

羹音郎之原 左傳楚城陳蔡不羹注羹音郎漢書作
更蓋古八庚多通七陽更字讀如岡岡又訛轉為郎耳
諸公但知楚詞皆讀羹為郎而不知其為更古人韻粗
更郎相近則直音為郎或此之故

繁不必音肇 左傳曰曲縣繁纓又曰其可以旌繁乎
繁讀如肇周禮曰王之玉路錫樊纓金路鈎樊纓象路
朱樊纓康成曰樊讀如肇蓋繁本附袁切絲采繁縵也
或作緝馬之飾有繁纓亦借用樊字何必讀為肇乎說

文繁馬髦飾也每聲按繁通用樊字則當音樊明矣肇
乃鄭氏泥而不通處也繁則有婆音繁延壽繁欽之姓
音婆一作繇

選音刷之原乃音算也 蕭望之傳張敞曰有金選之
名應劭曰選音刷師古以選作鋸智考之因史記其罰
百率即百鍰鍰即鋸也漢末讀刷如率故以刷音之若
今人刷在札韻則益遠矣其實選豈音率乃算字之訛
古選算通音如漢書武帝詔引詩九變復貫知言之選

音算叶貫齊語選具左傳鉞懼選于寡君并與算同公
孫賀傳贊引斗筭之人何足選即論語何足算也韓進
學解不可選記謂算記其曰率者算之要也今唐韻韻
會諸字書不但不知此義并不載金選有刷音矣當是
以刷為選聲轉入耳

麤之於狃等之於埒此不可一也 世之學古者皆以
狃即麤字此緣陸孫而誤也廣韻麤麤麤狃皆收為一
字俗作粗韻會因之引公羊傳曰狃者曰侵精者曰伐

殊不知狃乃粗義而非粗音也即如麤為草履跛為皮
跛惡其音同粗皆後人所造漢書藝文志曰庶得麤狃
一處用二粗字有是理邪考公羊傳注狃音才古反是
也廣韻卻以俗作之粗為徂古切此則當時鄉語矣世
人亦讀埒為等淮南子等埒用在一處則亦藝文志之
麤狃也埒當音錡又按說文緇狃類也箋云狃當是觸
誤智按類訓絲節則狃為粗意何疑古蓋各造粗字至
漢分之麤為塵起之粗平聲狃為一切之粗上聲故班

固連用之耳然古人有連用則異聲分用則同字者亦
當辯

丘之于區斗之于主抗之于揄此可通者也 刊謬正
俗曰曲禮不諱嫌名謂字與禹丘與區字禹合矣丘之
與區今呼則異然尋古語其聲亦同陸機詩普厥丘字
又晉宮閣名所載若干區者別為若干丘今江淮田野人
猶謂田丘為區俗書驅字作駟亦遺音也楚元王傳謂
空為丘王武傳訓丘為區桓十二年曲池公羊作歐蛇

則讀曲為區讀歐亦如區也溝洫志涇水一石歌其泥
數斗與長我禾黍叶韻古文易日中見斗作主鄭氏注
酌以大斗音主儀禮有料譯音主料斟水器也亦與斟
通詩賓載手仇讀為斟即主音之轉也周官舂人舂
枕二人康成注引詩或舂或枕詩本作掄可知虞尤韻
通矣丘區聲通故區有甌音楚有僕區之法晏子言豆
區釜鍾皆音甌韻瑞收僕區于虞韻誤矣蘇武傳區脫
邊外空土室也一作甌脫平阜之圩曰甌史亦作區史

故鬼臾區取以為號博物志甘泉歌千人唱萬人謳金陵下餘石大如篋土屋可以知區脫為當時之語

沴不當音戾 沴字本當音章忍切其義則戾也妖氣也說文水不利也孫氏音郎計切與戾為一字又即盭字故今人有用沴戾沴盭者博古之士皆笑之以為是重用戾戾也不知沴原從今今乃止忍切故軫軫軫軫軫軫軫軫皆以今諧聲說文引詩今髮如雲與風通風新生羽而飛也由此論之沴何從獨有戾音乎類篇曰

沴沴溼相著也黴黴之黴亦作沴其音可知說文廣韻
但以沴有戾義遂入霽韻此明是前人之誤而後人泥
古不覺耳

古我義字通台余吾我一聲 陳球碑釋文曰漢人隸

法有所謂省文如爵之為𠂔鶴之為𠂔雀是也經傳多書
蟻作蛾似亦是省文左傳蛾析戴記蛾子時術列子末
聚禽獸蟲蛾黃帝紀淳化鳥獸蟲蛾元帝紀白蛾羣飛
蔽日長楊賦扶服蛾伏皆讀蛾為蟻隸釋仲秋下旬碑

有蛾附之句此云蜂聚蛾動亦蟻省也魯峻碑釋文曰
周官注云儀義二字古皆音俄詩以實惟我儀協在彼
中河樂且有儀協在彼中阿太玄亦以各遵其儀協不
偏不頗徐廣音犧船作蛾漢碑凡蓼莪皆作蓼儀此碑
又作蓼莪智因此益知台之為我也按義說文本云宜
奇切故韻補專辯此音今凡夫乃改宜奇作宜寄而謂
韻補之誤此直不知古音耳古余台一聲而余亦通吾
如駒虞亦作騶吾魚山亦作吾山是也石古文齏即戔

字吾我一聲之轉吾從ㄨ古五字作ㄨ因作ㄨ可證也
吳氏以反身為臣以ㄨ為身是矣而以我篆作𠄎與子
才之𠄎則太造蓋𠄎義本戟名古作𠄎可推以聲借吾
而吾轉為烏可之音耳𠄎古文戈則古之我當是𠄎形
或從ㄨ作𠄎義即我加羊鹵薄儀刀儀鎧浴起自漢豈
非古之遺稱其曰威儀之鎧者本臆說也可咲元美列
台台二字台音苔台音怡陋至此乎周易豫怠叶來來
音犁怠音怡國語得時勿怠時不再來亦然乃推知古

人怠怡一字一音而二義也專以怡悅為事則懈怠矣
後因我台之台有三台之音則怡有怠音分別之學既
起專以怡為悅而怠為懈耳按顏氏刊謬正俗曰世因
鄭氏云予余古今字皆讀予為余爾雅并列說文一以
為予相推予也一曰余詞之舒也各有意義非古今字
別也考詩叶韻予皆上聲郭忠恕亦曰予本無余音後
人讀之也智按古實相通曰予一人義既為余則聲亦
隨之矣古以余為斜故以予為余侯衙讀語與可平聲

牙讀互此其證矣說文專主分別有不得不如此大說者

以似已之原

趙撝謙曰分隸有匕

比音無匕化音

有十無

又有口

冪音無口

坳音

有禾無禾

稽音

循而至於支支

反音普木同

書爻

殊音

爻

沒音

竝作乘

秦音

秦

秦音

攀

秦音

菩

春音

之首無異己巳

音似弓反胡感

巳

音節

之體莫別好古君子論至於此豈直三

嘆而已哉智按胡感切者作弓以作己巳時之巳作巳

尸作弓李斯作弓加入說文唐本作弓而徐本作肥李

陽冰曰ㄩ為虵象形借為已止之已反已為呂用也劉
勰日子思弟子於穆不似音訛之異此非子思弟子之
訛乃後人所見本已書加人之ㄩ則為似矣王右軍帖
此心以馳于彼俱用以為已可證敬甫分ㄩㄩ己

夏安相近 蔡邕明堂論三老五更應作五叟嫂字女
旁叟今亦作媿以此驗知應為叟也此說最是而當時
諸儒斷然不從何其執邪後且有議伯喈者說文繫傳
云蔡邕碩學而云色絲為絕殊不知絕字系旁為刀刀

下為巴

即尸字音節角字則从人下尸

郭恕先引李陽冰曰蔡中郎以

豐作豐李丞相持束作亦

今焦弱侯引將束作米

按色絲乃古

人取巧之說毋論其果伯喈也自止戈為武止干為戰

古人亦隨文就形猶之歌詩斷章豈似章句家之泥耶

豐之于豐乃是隸筆從省耳丁固夢井中生杵以為四

十八字東方曰朔來朔來知為棗郭璞言永昌二日一

行言兩角女子為安此可據以為典要而責之哉升菴

且引漢時隸書棗字从二來蓋似來而非也引史游作

聚困學紀聞言列子禾生子伯宿于田更更亦老之稱
升菴取之則伯厚與升菴皆不從蔡說智曰安知列子
之更非叟誤乎按列子有張湛注湛注曰更當作叟此
足以為伯喈之助蓋更乃食即鞭字見說文从人持支
加畫作食或作更取丙聲古文之打鞭讀頂丙丙轉為
扁故更又轉鞭也古叟作窆象老人持杖形與父同意
窆象老人瘦形不必鑿說故瘦从之窆形與更近其訛
復何待言伯喈豈無見而發此論乎倉公大小溲後遂

作大小便此與晉人嬖帖俱可互證注列子者晉張湛
非白馬生復諫之張湛也

賡本為續燾本為翳翳說文續訓下賡古文續从庚貝

臣鉉等曰今俗作古行切此甚無謂急當還本音者而
古已讀庚謂其形近也翳徒到切翳也舞也詩左執翻
後人遂作燾而讀若毒則愈遠矣弱侯刊誤作燾智按
从毒得音耳毒本音歹世說林公曰檀越既以載燾貧
道何為不執鋤蓋以盜偷會意是晉人猶讀燾為道也





温不當从囚 𣎵从昱昱烏渾切𣎵也字書韻會等書
皆曰凡昱之字从囚从血智以為从囚者非正當从日
作温見日自温此是正理从囚實無義也史記有𣎵
字揚雄傳作晏温謂日晏而温𣎵乃人增加耳篆日或
作囙或作圖明或作明皆由取筆太簡故增畫以取道
態昱遂有从昱者皆日之訛也

伯百从白 百白聲說文曰百从白古作𠄎从自白亦
自也今子才作𠄎謂自一至百也鑿矣合溪曰伯从人

白聲百亦當以白為聲鐘鼎文凡百皆通作白以白為
自鑿而不通然古文白亦作自又是鼻此則敬甫子才
作白者近之

丁字有尾非字 升菴丹鉛總錄莊子曰丁字有尾以
證古有隸筆外集又云世人謂曲波為尾丁子二字左
行曲波亦是尾也觀此則莊子之時已有八分書不始
于秦王次仲矣此已大誤智按莊子末篇言惠施麻物
之意曰惠施以此為大觀于天下而曉辯者天下之辯

者相與樂之卵有毛雞三足郢有天下犬可以為羊馬
有卵丁子有尾火不熱山出口此皆言物理變化本無
定形定名自我言之無所不可耳舊注丁子有尾丁子
蚪斗也爾雅名活東蝦蟆也初生正如丁有尾及長則
有足無尾楊復所刻莊子注甚確而廬陵羅勉道著莊
子循本乃云丁字子字即有尾與荀子之鈎有顛卵有
毛同夫曰鈎有顛謂鈎有倒顛也若鈎顛為字尾則卵
毛何字乎莊子上下文犬為羊馬有卵火不熱山出口

何字乎升菴亦云李頤注云丁字曲波此注者之謬也
不能辯前注之謬但欲取悞一節之論而引之不論其
通與不矣即以字論小篆作古作•丁父丁卣作一
戊丁爵作汗簡作則直下即為尾矣豈必左右波
邪陳晦伯作正楊一書專辯升菴之失而此一條反云
曲波非向右也以此駁升菴升菴服否元美卮言亦因
王楙以不識丁為个或即十字引莊子丁子有尾左引
非右引又秦苻堅載記秦州別駕姜平子詩丁字直而

不曲則元美亦未細讀莊子者也焦弱侯筆乘莊子此語論字尾其作莊子翼且刪去舊注此何見乎或曰惠施反言此正語乎或曰施呼蛙為丁子謂蛙有尾指後而見初也若謂丁字子字有尾亦正誤矣

致乃馥之譌馥乃馥之譌 茶經曰其馨致也注香至美曰致音備徧考無此字洪芻香譜曰香至美曰馥智見惟孫恂收馥字香至美也音使則茶經之致確為馥字無疑其音備者則使轉去聲而方言記訛耳然說文

有鼓列也音肄豈孫恂收之誤从史邪

高本音孺 周禮華離注華讀為瓜哨之瓜瓜邪離絕

也即今歪字說文孺不正也故董道言程邈四簡篆書
孺扁應勢弱侯引國語闔門而與之言闔音媯今按韻
會侏在淮韻而闔音委說文闔門也當與媯通此弱侯
見集韻有闔字耳陳水南引作闔門更誤矣今字學指
南合闔侏為一而無孺字智按魏武帝陽為面喝此正
音歪蓋說文高口戾不正也爾乃高屬媯也亦借其音

不如用曷字為正白樂天自天斜為歪則是未看說文
又不記孟德事而隨用俗說之字耳今字彙又收嗚以
為嗚字按嗚見文心雕龍引綠圖嗚嗚與雉雉叶不必
用也

駝因于駝駝因于浣浣因于宛宛有鬱音 韋莊應天
長詞云想得此時情更切淚沾紅袖駝字書並無此字
惟元詞中馬驟駝人語喧北音作平韋詞意則浣而叶
韻必轉入智按乃駝字耳駝見唐韻於月切蓋以古宛

有苑音从鬱轉越詩苑柳苑結荀子宛暘是也此等字
正無所事用之然升菴提出又未正其源流故及之古
以浣為汚古今文詁云三染絳為黓亦謂其汚也汚勿
鬱亦此一聲相轉耳

無通為无亾勿毋莫末沒毛耗蔑微靡不曼瞽盖一聲
之轉也 反有為無易經無俱作无一曰从天天炁虛
無也又通作亾論語亾而為有與無同又通作勿論語
非禮勿視又通作毋論語毋意毋必書無逸史魯世家

作母逸洪範無偏無黨史宋世家作母偏母黨春申君
傳母望之福母望之禍凡史記無多作母又通作莫莫
母無聲近相通詩莫敢不來享俱與無同又通作末論
語末由也已禮記文王世子末有原皆與無通又通作
沒盡也論語文王既沒沒階俗謂無為沒南齊豫章王
疑臨終召諸子曰吾無後當共相勉厲即沒後又通作
毛後漢馮衍傳饑者毛食注與無同毛見音耗為毛佩
觴集曰河北謂無曰毛智按河北讀沒為門鋪切而江

楚廣東則呼無曰毛黃綽幡賜緋毛魚袋則信古有此語矣無又通作蔑左傳蔑以加于此史孔子世家蔑由也已又通作微詩微我弗顧國語戰也微謀又微我晉不戰矣又通作靡詩靡不有初楊子曰刺客之靡者也月令靡草死皆與微同細草也又通作不詩不識不知又通作曼揚子寡見篇曼是為也注無同言學者無如是為之又漢書高帝紀韓王信將有曼邱臣注曼邱與母邱同智按母邱自是貫邱而當時口語與注者之語

皆以無曼母聲近互通也字从無與從曼同如蔓菁作
蕪菁後漢桓帝永興二年詔郡國種蕪菁助食即蔓菁
又通作瞽不明兒莊子伯昏瞽人列子之齊遇伯昏無
人射措杯水於肘上無人即瞽人智又按盧仝詩左道
官雖樂剛腸得健無功名生地獄禮教死天囚自注無
忒侯切蓋讀無如牟也今字以母从禁止母从二乳乃
字書家說也古蓋母轉為沒沒轉為無耳此郝公所彙
因而詳之謂其相轉則然謂其共是一字則不可也故

竝舉相類者數則附于左方其始本一音也因有一音則借一字配之學者知此原委則解書省力可免費辭辯之者曰字之紛也即緣通與借耳若事屬一字字各一義如遠西因事乃合音因音而成字不重不共不尤愈乎

爾你而若乃一聲之轉 爾又為尔尔又音寧禮切俗作你猶兒之有倪音也祖禰為姓亦音你

徒特獨但第同聲相轉 第亦用地丙吉傳西曹地忍

之

欸 唉 噉 警

欸 烏開切 又於解於亥於皆三切 楚辭曰

欸 秋冬之緒風 當平聲 亞父曰 唉 當去聲 又作警 方言曰 欸 警然也 孫氏 唉 讀若埃 又欸 乃搖櫓聲 詳釋詁條 又為飽聲 亦作噉 古皆从伊 轉艾 故噉 噉 有 二音 可即 以此推之

喑 啞 伊 優 嘻 噫

史記項王喑 啞 叱 咤 漢書作意 烏 喑

於今切 啞 倚下切 又乙格切 震卦啞 啞 笑聲也 又於加

切東方朔伊優亞或因為歐啞伊啞優亞今用啞噫
从烏音古亞惡通也嘻許其切嘻嘻微笑聲噫嘻歎聲
也開聲為嗚呼啞呀闔聲為噫嘻嘻或作歎歎譖譖
亦通作戲太白蜀道難首用之噫又於介切飽食息也
今有讀五噫為於介者誤也互見釋詁

謳歐嘔古皆通用謳字 古用謳謂氣出而歌也俗亦
作謳字猶之謳也說文歐吐也謳齊歌也通亦作嘔平
聲朱買臣歌嘔道中嘔吐亦作歐上聲漢書曰歐泄霍

亂張良傳欲歐之音嘔謂拳歐也

歛响响煦姁咻

歛翕歛呷歛皆內氣也歛歛歛呼呵

皆出氣也歛別作哈歛歛別作噓歛况于切温吹也歛
呵為陽吹呼為陰欲暝者歛之欲涼者吹之以氣暝物
為歛去聲亦通作响又作响煦記曰煦嫗覆育萬物鄭
曰體曰嫗氣曰煦漢書愉愉响响又借用休傳曰民人
痛疾而或噢休之亦作咻又作姁漢書曰言語姁姁互

見釋詁

培坯坯陪四字書傳多互用 培篆作培為栽培蒲枚切又為培塿薄口切晉語松柏不生埤部靡切埤本避支切為埤益培塿一作部婁坯步枚切以土封罅隙也記曰坏墻垣又蟄蟲坯戶亦作坏莊子曰日中穴陪又步侯切坯鋪枚切埤塹土也埤瓦之未燒者為坯俱从
不論見不字下

暄煖煖互用 煖本與暖同皆乃管切在上聲旱韻而大宗師煖然似春音暄豈漢末音異邪諛誼皆音暄

宜煖之从爰當有暄音也暄又作晷皆許元切按書傳
晷暄煖煖多互用大氏从與者當乃管切从爰从巨者
當許元况晚切煖暄之相通則以意通

歉謙慊慊愜慊經傳多互用 孟子曰吾何慊乎哉晉

語曰歉歉之德不足就也穀梁傳曰一穀不升謂之歉
則以慊謙為歉孟子曰不慊于心則餒莊子曰必齟齬
俛列盡去而後慊史記曰先生以為慊于志則又以慊
為愜大學自謙則又以謙為愜漢書曰歉讓而弗發也

則又以嗛為謙說文曰慊疑也荀子曰臭之而無嗛于鼻漢書亦曰偷得避慊之便則又以慊嗛為嫌大氏古書雖多通用亦有傳寫錯互者歎嗛皆若簾切歎氣餒也廣韻又作苦減切嗛猿藏食處慊亦同音為慊恨歎苦感切歎之甚也歎別作歎歎歎

來釐厲瀨同聲 隱十一年會時來公羊作初黎左文作邾注滎陽縣東有釐城鄭地也釐音來此不知來字古音黎又豈知釐音來之故史記亡賴注江湖謂無利

入於家曰亡賴猶言亡俚石瀨亦作厲漢南越傳下厲
將軍與東越傳下瀨將軍同瀨鄉亦作厲鄉有老子祠
莊子厲即癩字欽敦銘歿散釋文作受釐从散則古釐
殆从贅字永叔言鄧又碑即艾書又用三德一作艾用
三德盖古佳來皆與齊微通

俚聊賴相通 季布傳其畫無俚之至耳晉灼曰無所
聊賴今或言無聊無賴小補引朱子楚辭後語曰孟子
不理于口漢書無俚之至皆訓為賴則理固有賴音也

此不知古賴有利音而改理音賴鄂州曰來牟又為釐
麩說文來麩一來二縫秬一稭二米則秬即來牟也智
按爾雅疏引鄭志答張逸曰秬稭皆皮古今語耳公紹
以鄭解失實劉向封事貽我釐麩古者來釐秬三字相
通方言江淮謂之獠北燕謂之貉關西謂之貍彼雖說
獸而以一各通三音則此物亦然

啐齶噍噍咀嚼同聲義 噍即入切粒食曰噍肉食曰
嚼啐子內切又子律切小獸也亦作啐齶在詣切飲沾

唇至齒也又唳子狎切亦作囁唳噉噉作答切亦作呬
啗皆軟也吮軟从唇唳噉从唇舌

惟維唯通用 其本義惟思之專也維繩索匡繫也唯
為應之速父命唯而不啗因為口開翕兒詩其魚唯唯
啗即諾也鍾鼎文惟皆作夬本音追借用為口聲曰伊
曰侯曰猗曰繫皆其聲詳見釋詁雉噫條下

擾撓攪聲義相沿 擾篆从攪尔沼切指又紛繞也因
生馴擾之義書曰敷五典擾兆民撓女巧切以手斡旋

物也攬古巧切旋攬抄翻也擾又尼交切搔也俗作相相又女教切撓之而曲也撓與撓通

敲攷破聲義相因 輕重如其聲敲口交切說文橫擊也擊頭也又作擎公羊傳曰以斗擎而殺之或又作搞攷昔老切破擊也通作考詩曰子有鍾鼓弗鼓弗考敝即叩又作扣詁若厚切又去聲小擊也說文曰扣牽馬也此乃惑于扣馬之說

貉獬貉獬摸多錯互用

辯者曰說文曰貉北方豸種

蓋以此為蠻貊之貊矣。貊似狐，善睡。引論語狐貊之厚，以居舟聲鉉曰舟，非聲字。林亦曰：貊似狐，善睡。郭氏曰：牝名獍，乃考切。江東通呼為獍，音烏。郎山吏切。以為各非貊音，舟非貉音，固也。貊之為貉，蓋本爾雅。貊子貊，注乎各切也。貉之與貊，古音相借，如掩骼音各，又音格。顏氏曰：角有支，曰貉。記曰：角貉生亦古。百路洛二切。且安見蠻貊之稱，非因北地多狐貉而稱之乎？北地多此種，常夜入人家取食，人氣弱者為彼所攝氣而去，人能

嚇之則彼忽然不見色白有尾小如狗智在京師曾五
更醒而見之一喝不見北人謂之皮狐子又曰獯之讀
若媮蓋北人讀貉字入聲轉而成媮音耳敬甫以貌即
貊


圭蠲涓同聲 蠲古絃切說文曰馬蠲也明堂月令曰

腐草為蠲此蓋指蠲耳書傳用為蠲潔與圭涓通詩曰
吉蠲為饗禮曰哀子圭為而哀薦之漢有中涓涓人師
古曰涓潔也圭知潔清灑掃之事周禮曰除其不蠲因

為蠲除蠲赦蠲免呂尊師篇務輕煥必蠲潔注絜一作
祭蠲讀曰圭

榭序豫音相近而轉也 屋無室曰榭亦謂之序禮又
作豫臺上之屋四達亦曰榭鄉射禮曰豫則鉤楹內堂
則由楹外又曰序則物當棟堂則物當楹序淺而堂深
也豫序也西廊也序又借為次序與叙同用為文序

簣第榨同聲而迮笮窄措因之 簣阻尼切牀先用簣
也屋椽上必用窄窄之後安瓦今人曰棧即爾雅所謂

范也范羊昭切壓酒者曰竿又讀側嫁切與榨通本作
涕第亦膏也篆作是窄措見諛語

鞅淞淞淞霰霄潛雲 鞅子集切小雨不輟也醫書

言鞅鞅汗出因作漉霰其聲相近者有淞淞淞霰霄
潛雲子入阻ㄊ七入丑入似入仕戢是汁色ㄊ失入直
ㄊ凡數音相如賦淞淞鼎沸郭璞曰水微轉細涌兒說
文曰淞雨下也一曰沸涌兒澱和也淞淞沸也蓋即以
淞為澞孫恂曰鞅汗出兒霰水溼淞雨兒霰雨下又暴

雨雲霄大雨也滌泉出溜水兒霞小雨聲諸書一義而有數字一字而有數音形容雙聲率不過假借何必強為分析乎

仆踣債三聲合一而匍伏百服因之 債夫問切踣覆也仆夫遇切債仆同聲其義一也古無仆字又普小芳豆二切別作踣趙莊子注音踣為匍今在職韻亦音蒲北切餘見諛語

喉胡隴 一音之轉喉前咽後又謂之胡金日磾粹胡

投莽何羅漢童謠曰士買馬君具車請為諸君鼓隴胡
哇嘔噦咯喀各象其義聲 咯古通作殼吉角切大喀
也

柄秉柲 柲兵媚切柄也考工記曰戈柲六尺有六寸
盖柄柲同聲皆秉之轉也周禮柄作棟古未有柄字士
喪禮弓有柲鄭氏曰弓檠也引詩竹柲緄縑升菴以柲
為今之攢竹極確漢時曰積竹

綏綏妥多互用揉染擣擗按接皆相轉之聲 記曰𠄎

車綏旌陸氏耳佳切此以綏為綏者也記曰執天子之
器上衡國君平衡大夫則綏之又曰國君綏視大夫衡
視康成皆讀為妥此以綏為妥者也楚詞揉方為圓揉
轉為染染轉為攪攪轉為擣擣轉為按按轉為搯士虞
取菹擣于醢謂入醢中染之以祭左傳染指于鼎與擣
同詩注煩攪之與擣同或作換作搯擣之與攪猶需之
與輓也接之與按如綏之與綏也按音搓又音那

不有十四音 不方于切詩云鄂不韡韡鄭氏曰承華

者曰鄂不當作拊拊鄂足也夾滌曰不象華萼蒂形與專
通疏拊作附又作跌故東暫用白華絳跌唐詩紅萼青
跌因之 又俯九切說文曰不鳥飛上翔不下來也亦
作否借為否詞 又平聲孫恂甫鳩切 又否卦音痞
德明備美切孫恂符鄙切否痞同音古切尚踈其拘者
又守門法備美符鄙皆輕重交互門也 韻會小補又
宥韻方副切弗也 又分勿切音弗 又沃韻逋沃切
項安世家說曰孫奕言浮否押詩賦可也官吏指揮鄉

校教訓必以逋骨切呼之陳正敏云舉世同辭必有自始逋骨一切殆不可廢廣韻勿韻不與弗同而禮部韻不出此音徒見佛書作弗聲讀今以司馬溫公切韻指掌圖考之明舉一杯字以發聲信乎有此音矣本四音禮韻有二廣韻有三蒙古韻略于逋入聲襍下收不音與卜同自正敏說而始疑自溫公圖而音始定故表出之智按陳項謂四音則尚未收鄂不直翁收之童道常言有七音謂北人讀不為幫鋪反與否浮弗卜專痞

為七韻會小補有八音 細論逋骨亦用門法未愜今

讀故戴氏作布沒切依沈韻布沒切如今揚州人語矣
其布木乎逋骨布木二音韻腳不同曉然易別或唐宋
先有逋骨之音而溫公乃定為杯入以正之子謙曰昌
黎子為俗用多故勑去幫母則當時俱有數音而韻書
守舊不收耳 又轉注略曰悲虬切與彪同晉有汲郡
人不準 又讀為比孫恂卑履切阮籍詩願為雙飛鳥
不翼共翱翔不翼即比翼蘇氏又采才老諸說何用不

臧不臧即否臧蓋恕先之說否塞之否與比聲近宜其借也智按論語予所否者論衡引作鄙荀子賦篇簡然易知而致有理者與君子所敬而小人所不者與謂小人所鄙也蓋古人口齒如此今依中原定音痞貧弭切音比邊美切不用門法使人易知 又考此字有攀悲切通為丕張參曰石經作丕六書總要丕或作丕則丕乃丕之轉形丕乃丕之通丕也書曰丕顯丕承詩曰不顯不承舊說以為豈不顯乎仍是豈不韡韡乎之見解

耳秦和鍾銘曰不顯皇祖詛楚文曰不顯大沈久湫不顯大神巫咸不顯大神亞駝此最可驗者爾雅左顧不類右倪不若注不發聲也淮南杯治之杯亦發語音不

可互證也大誥爾丕克遠省陳士元曰丕馬融作不又讀上聲 又按丕與負背通書曰是有丕子之責于天史記作負子索隱引鄭氏曰丕讀為負石經尚書亦作負子京山尚書辨解丕子之責注作背正以古負背一字也按史記鯀負命毀族注作背命淮南女媧氏背

方州抱圓天文子作負方州負郭即背郭杜詩背郭堂
成蔭白茅以此證知丕亦讀背背即不之第三聲也

又爾雅佳其鳩鴉古作夫不詩疏亦引夫不本草亦載
小鳩皆曰佳曰夫不音鋪以說文之鋪鼓後訛為布
穀今俗呼勃以此知之則有十四音 彪比二音升菴
所出不背鋪三音則自直翁韻會升菴古音弘家韻輯
道常大成子謙小補皆未收入以不知不顯即丕顯負
背丕不相通布穀鋪鼓夫不一鳥也細推本原則發口

之不音坏者乃音之母凡坏垢部杯刮皆从之借象華不與否辭而鳥不下來乃許氏之說也諧聲之字惟不
从華不絕無从鳥不與否辭者以此推知不字為母

賁字十四音 陸德明釋文云彼偽反 徐廣甫寄反

李軌府寘反 傅氏云古班字 王肅符文切似與

李軌同然寘文異韻陰陽亦分今據訓詁故仍分列之
古文尚書黑賁用宏茲賁淮南鼈三足曰能龜二足曰
賁人食化為水俱音墳 禮記廣賁之音作而民剛毅

荀子下比周賁潰以離上矣音父叻切與郭象注馮氣
之馮同猶憤也又沸也穀梁傳覆酒于地而賁 又方
問切禮記賁軍之將與憤同劉昌宗讀虎賁為奮 又
音肥周勃為襄賁令地在東海史黥布傳趙將賁赫
又音奔虎賁氏舍則守王閑閑控極也 又音潘山海

經桂林八樹作賁隅今廣東番禺讀潘 集韻韻補音

孚袁切則為蕃字 又音陸韓文注陸渾山古作賁渾

集韻引山海經賁渾山即陸渾智按昭十七荀吳滅陸

渾之戎公羊作賁渾可證 又與瀆通叔弓敗莒師于
泆泉音分穀梁作賁泉公羊作瀆瀆泉者直泉也按濟
志瀆泉即湓泉湓音匹問切據唐韻瀆噴一字音魂切
今中原讀噴去聲即與湓同 郝氏曰淮南子賁海即
渤海子謙言賁星一作孛星升菴言釋文賁有七音當
有九音智按釋文止有五音今考有十四音一曰賁渾
因賁字而訛

敦有十七音 筆乘問奇集皆云敦有九音今小補列

十四音日月燈抄之 灰韻音堆詆也詩敦琢其旅敦

彼獨宿注獨處不移兒賓戲欲從整敦而度高乎泰山
整敦皆小邱名 元韻音惇大也姓敦名洽衛之醜人

又音豚敦煌郡名詩鋪敦淮漬鄭箋音屯 寒韻音

團聚兒詩敦彼行葦 蕭韻音雕畫弓天子弓也一作

淳 準韻音準布帛幅廣也周禮內宰出其度量敦制

阮韻音遜左傳渾敦 隊韻音對器名周禮珠槃玉

敦 願韻音頓豎也又太歲在子曰困敦智又按爾雅

敦邱注引詩至于頓邱 號韻音導覆也覆燾一作敦

周禮司几筵每敦一几鄭氏讀 皓韻陸德明讀敦一

几 尤韻劉昌宗讀敦一几直由切又他昆切與慙同

則又可音慙 子謙載真韻殊倫切與敦同鄭氏引

淳制 又先韻都佐切 凡十七音蓋古人亦未必是

以淳制即純音準純轉真韻而敦亦隨之每敦一几音

燾而燾又音倒音紬則自燾字音也此皆漢人之強而

後人無特見姑且从之至音都佐切乃以東坡賢叶敦

遂改此音子謙不知賢叶忻如天叶人之類也

苴有十七音 升菴弱侯曰苴有十四音日月燈曰十

五音子謙十四音今有十七音 苴子余切有子麻

莊俱切漢時姓 宗蘇切茅苴藉祭也與菹通 布交

切天苴地名在益州見史記注 又天苴與巴同 鋤

加切水中浮草 子邪切菜壤 似嗟切苴許城名

再呂切履中草薦 側下切糞草 才野切慢也 將

預切糟魄也 側魯切說文酢菜也 又平聲臻余切

亦酢菜也 水草曰苴一作蒼又作泚今作渣非是又有直家切之音 又都賈切土苴不精細也 張佐曰

川藟苴音鮓

智按焦弱侯所載子余切之包苴即子

間切之苴杖乃一音二義也若呂豫石所編曰七余切麻子也又曰子余切有子麻也音義豈有二乎今已刪二公之同者而乃多至十七音以中原音韻增入時運所轉之音車遮家麻兩分兩轉加古之為魚模韻讀之則三處通平上去入三通分輕重查鮓嗟苴租祖之例

呼之則三十音矣凡字皆有陰陽平上去五聲轉一韻
即有十聲但古人未盡借用今方言未盡呼及也我故
曰音有一定之轉而字隨填入無如後世定為典要則
不得不重考究以通古今耳

擐揜擐之因 顏之推曰王制羸股肱鄭氏注揜衣
出其臂脰今書皆作擐甲之擐國子博士玄該云擐當
作揜音宣擐是穿著之名非出臂之義智按揜不別見
古書何因而有宣聲誕生書前載尊為古文受字秦惠

文王詛楚文應尊皇天上帝智見金石文載鐘鼎有
說文受从受舟省聲師毛卣作𠄎秦鍾志作𠄎豈可以
意改作楷書尊字今擗加手耳何不作授字讀邪誕生
亦收擗字子略切擗也捎也擇也再考孫恂于爵字後
載古廣字作𠄎又載擗字捎也捎亦鞞衣可通者必是
擗字然則前人之宣音或當如世俗所呼拴字乎而擗
自是孫恂之擗拴音當近霜關反俗謂拴衣是也升菴
載賈生攔若囚拘蘇林音欺全反智謂漢晉時方言相

通耳董仲舒曰朶月削孟康朶音揜謂轉蹇踈也俗語謂縮朶為朶縮升菴嘗不知童衡陳振孫用揜釀字智以孟康解合之詳見諺原則此語自漢至今用之古作揜今呼揜轉注曰俗有裸袖揜拳之語東坡詩玉腕半揜雲碧袖則揜正揜字

殍音从孚 野客叢談曰沈存中筆談云唐士人專以小詩著名而讀書滅裂如樂天詩俱化為餓殍作夫字押杜牧之杜秋娘詩厭飫不能飴飴乃錫非飲食也晉

王薈以私粟作粥飴饑者却鑿甚窮鄉人共飴之飴字
豈不作飲食用然考晉音乃音嗣非貽字也牧之用作
貽字必別有所據又觀後漢許揚傳舉謠歌曰飴我大
豆烹芋魁飴字無音乃知牧之用字有所祖也餓殍之
殍作夫字用按唐韻敷字下收之撫俱切又平表切皆
餓死也是則殍字有二音樂天所押蓋从唐韻之平聲
者二字皆有所據存中自不深考安可以讀書滅裂非
之揚雄箴曰野有餓殍智按古用飴為飼字與飲同晉


盛彥傳婢使鱻蝮炙飴之與王薈飴饑者飲同謂之借音則可殍之音孚則本音孚之與保古當通聲說文曰保古文保保从人从呆省又曰呆古文孚从呆按保既从古文孚孚又從古文保前氏譏其錯戾以孚與孚字相近故致差耳殍某粟以𠄎為聲桴孳浮以孚為聲智論其原古从𠄎从孚一義故相借詳見下

包孚乾干安焉亶單嵒東之原 包蘆聲近禮記苞履不入公門儀禮疏履者蘆蒯之非也相如賦苞荔注苞

蔗也魚胞俗呼魚膘廐以鹿走俗呼跑馬肥俗呼臙故就今之方言可推古之方言惟人遵字說之音釋反不察本來大原委耳如葶苈之苈何以又為餓苈之苈此何解邪餓腠如葶後別作殍殍本音孚後別為標存中咲白香山寧知此故邪古包與孚通包从㊦象子在胞中易中孚象鳥孚子从爪从子京山曰元氣動于子妊于已也竹中膜亦曰孚生意在中孚包于外故包通孚字从包與从孚同如腠與胞桴與枹苈與苞浮與泡桴

與抱之類互通左傳隱九年及莒盟于浮來公穀作包
來包犧一作庖犧炮犧即伏羲孚俯付伏可知古呼包
如孚矣浮从孚中原音韻收入魚模而沈韻在尤故吳
人議德清此皆習字書之訓而忘其本耳說文餽古文
飽臬古文保臬又引古文孚後人譏之蓋本同原相因
即許氏亦未之知也人知乾有干音而不知虔亦有干
音詩是斲是遷方斲是虔謂山木斲斲之使乾燥也今
贛州即古虔州猶虔有干音京山又云乾从龍省虔以

虎變自咲字說之鑿而亦效之邪古讀乾卦亦如干繫
詞為乾卦可證也虔之以干猶干之與閒介之與介壇
之與壇也南史周顥傳鮪脯即鱣魚鱣又作鱣揚震三
鱣是也今作鱣蓋禮與袒禫與禫殫與勳飡與饘之類
皆然也安之與焉猶干虔之喉音也呂覽其主安重其
主安輕與焉同禮三年問焉使倍之故再期也荀子禮
論作案使倍之即安使也又呂覽月令季春天子焉乘
舟淮南作天子烏乘舟注烏猶安也在傳趙簡子家臣

董安于韓非子十過篇董安于簡主之才臣儲說七術
董闕于趙上地守即安于也故知闕本音遏其平聲為
安闕氏為焉氏闕逢一作焉逢是也六書統以為焉
字此據舊金石釋文音安為焉也安之于闕猶何之為
竭也轉注古音引行夫焉介之焉音夷音夷則居字首
音烟則居字末此拘矣焉本鳶字借與安焉相轉其音
夷者注書之方言也耑東搏團揣縛捲溲湍耑輪輻之
轉猶安焉干乾也耑古端字車从專為轉从耑為輪耑

搏从心端搏从大溥湍从水算篇从竹其音亦相借如
禮輶車注團也通作輶音春而大夫之輶鄭注改作輶
音船莊子輶才諷說注音權則又一變矣大司徒其民
專而長音團漢五行志蛻再重赤而專亦團字賈捐之
棄珠崖議顛顛獨居大海注團兒與團同新序以百金
與搏黍示兒子考工記搏身而鴻即團身賈誼賦何足
控揣即控搏長笛賦冬雪揣封乎其枝謂搏聚封閉也
爾雅十羽謂之縛百羽謂之緡縛舊音團今音捲緡即

緄也莊子搏扶搖而上舊音團今音捲故揣之音轉為
捶或作垂改反如圖山本即團字今讀為垂又讀為殊
為船皆方言轉變也平陰陽上去入共五聲京山謂入
聲後增一聲非也陽起而陰收中國以平統之西字父
多入入聲簡而多轉中國上古固以入聲分諸聲又能
以諸聲轉入用之不似今日中原之無入聲也入無餘
聲聲短則音准入聲之餘聲皆平聲也方言開口便有
餘聲故入最易混試舉一二如滑稽銅歷之即隔荆尸

授師子之即戟劉懷真傳劣通車軸胡藩劣容指之即
略素問凝法之音清此本聲易知也如提之音擲以支
止至擲也提本音持持與支近史記冒絮提文帝蕭該
音抵吳王濞傳引博局提吳太子索隱音底其實提即
擲也夏無且以藥囊提荆軻淮南說林握火提人俱與
擲同古文作擲非音謫也革之即夏以夏之即革也管
子山權篇丁氏婦革葉室賦藉藏龜注革更也呂覽子
肉也我肉也尚胡革求肉而為魏策吾已許秦不可革

矣俱與更同語植其杖與檀弓行並植于晉國音置與
贄音至同莊子贄然至則又轉入聲至則執之去聲也
摯贄質鷲通用呂覽月令孟春行冬令霜雪大鷲即大
至也他如由之為笛因由有丟音丟入則笛矣笛又作
遂古笛遂聲近也故車軸象形从之猶倜之為倜蕭之
从肅也杓之為標則勺轉平與標叶馬援都布注即答
布母轉為沒沒移而莫啞之音厄惡之音烏州之為祝
嗟之為咤捭豚之音擘趣之為促故知卑陬為迫促亦

在人因此推彼勿以叔然休文橫據胸中以為典故則可以推經傳屬文之原矣

貞本隱也加爻轉為殷勤殷色 六書正偽竟曰反身

為依而廢依字此大謬矣子才主之智按經傳及金石古文無作依字用者不過古方言有依聲耳中庸壹戎衣注疏衣讀為殷聲之誤也齊人言殷聲如衣呂覽慎大篇湯為天子夏民親鄣如夏注鄣如衣兗州人謂殷曰衣又呂覽憤勢篇湯其無鄣武其無岐豐也鄣殷舊


封國名升菴特取鄆之為殷智按不韋之稱鄆乃稱殷之封邑豈以鄆為殷字哉然呼殷為衣漢時有此方言明矣虞夏商周氏者頗多今姓有衣者殷之冑歟元命包曰月靡返月音隱退也即身字今字書又有作殷者皆因訛故別耳而趙氏本義朱氏竒字乃从伯琦之說可咲戴氏亦倚謹切轉身也智推論轉身即是隱義詩殷其雷注疏音隱相如賦雷殷殷呂覽殷殷皆音隱漢劉熙碑民隱作民殷可證其轉十五刪之殷者猶隱之




為暗陰之為齶也史漢稱古文未改皆用依字辰亦从衣負依通用此最明顯衣即有依身之聲義矣乃反舍之而因古人一處之方言穿鑿定說以為典要哉

鈎鉞一字 鈎戶經切盛粥器也又作鉞漢書歆土刑單作刑鉞經天切說文曰似鐘而頸長字林曰似小鐘而長頸一曰似壺而大莊子曰求鉞鐘也以束縛按二字多互亂莊子宋鉞即孟子所謂宋攄攄鉞聲相近郭象讀為堅而鉞鐘之鉞讀為鈎皆誤也智按古硯亦作

研則劓鉞之通用可知鉞之為硯為控則借耳

委不從禾 隳毀切說文曰委隨也从女从禾戴氏曰

按鐘鼎文皆作乃从省竟改委作則不必矣

受訛為紂 尙从秦鐘志文作師毛貞文作尙

書皆作商王受他經傳皆从紂一人不應兩名且自商

紂之外皆無用紂字者蓋受之訛也方言以為緇緇即

鞅敬甫則以為當从于省得聲為是

遯以豕聲 說文从豚省徐鍇曰豚走而豕追之不通

甚矣且遯已從遯逐乃豕聲漁仲猶不知此而以逐列于第三之例

胥疋雅相通之原 疋所直切說文曰足也从止上象腓腸弟子職曰問疋何止古文以為詩大疋字或曰胥字足字一曰疋記也或曰大疋即大胥小胥也升菴又引三盞爵音雅智按古無家麻韻疋有胥音胥有斜音或曰古雅字省作牙牙訛為疋也胥訛為骨故胥母山訛為骨母七發弭節五子之山通厲骨母之場韓非子

曰膏之骨今折矣即胥字鬱儀以正為華夏之夏

止即趾 象足掌形二止為步說文曰下基也象草木
出有址故以止為足按足足垂步之屬皆从止止乃足
非取象于草



通雅卷一

欽定四庫全書

子部
通雅卷二

詳校官中書臣朱文翰

員外郎臣牛稔文覆勘

總校官降調編修臣倉聖脉

校對官中書臣王璜

謄錄監生臣徐步青

欽定四庫全書

通雅卷二





明方以智撰

疑始

論古篆古音

頁即首系即絲虫蝨即蟲說文首頁分三部頁頭也首古文以象髮頁頭也从首从人古文韻百如此孫氏胡結切夫首之為百猶學之為子百之加人猶雷之加雨說文俱訓頭不當分為三說文頁訓頭以為古韻首之首未嘗有他音孫氏胡結之音非也李陽冰曰頁

音昔不當音頡況自有頡字而頁無他義古今書傳未嘗有用頁字者凡頭顱顛頂顙額之類俱从頁頁之即昔明甚合溪發明陽冰之說是也如絲糸部蟲蝨虫部亦然蓋亦非叔重所分矣說文曰有足謂之蟲蝨蟲之總名也虫蝨也孫氏虫許偉切蝨音昆按虺特一物何以為虫類之宗古書無有以虫為虺者而融則以為聲以此知虫與蝨特為蟲之省文非有二字也字有象其多者于天文則有。于動物則有蟲于植物則有草有

竹焦澹園猶譏試錄以蟲作虫則拘于字說耳昆蟲者
謂渾而言諸虫也孟子昆夷即詩之混夷而混混即渾
渾古昆混渾通用可證陸孫以下乃以虫附會昆蟲之
昆豈不可笑有明眼說破矣而猶守陸孫之金科玉律
不敢移可為浩歎子才謂頁為諧皆之諧惜其無據而
古虺作象形遂與近理或有之虫象其蟠形虺象
蛇形也其言蛇亦作而它作

象絲出於覘 息茲切說文曰細絲也讀若覘

古文絲蠶所吐也从二系徐鍇曰一蠶所吐為忽十忽為絲系五忽也按絲非一覲之緒故兩其象以大義其有偏旁者則从省文耳覲或省作覲可證音莫狄切者亦陸孫輩附會分別之學也直當音絲

古文亥作不即亥字後人加草耳豕瓊豕皆一聲

李陽冰曰古文亥比豕減一畫耳不本象豕形篆文乃作二首六身說文謂豕為豕希為脩豪豕豕為豕走不則既為古文豕又為古文亥是豕豕二字而音義則一

豕豨豕一字而音義有三也戴氏曰豕為豕頭猶上之
有中羊之有从馬之有也自不得別立為字況可為
母乎凡此皆文之亂也說文之讀已難據而孫氏之音
又與說文舛說文豕讀與豨同而孫氏于豕則式視切
于豨則虛豈切此一舛也說文豨讀若弟而孫氏羊至
切此二舛也說文謂今世誤以豕為豨以豨為豕以豕
琢从豕豨从彘明之按琢琢乃以豕為聲與豕琢同而
豨亦未嘗从彘故徐省騎以此為後人所加凡此皆聲

之亂也按墜蟲皆以豕為聲漢書蠹蟲吾侯單作蠹从豕
塚篆遠緣喙椽椽皆以豕為聲當自有吐亂之音豕之
老者為珮加彡馬牙長也穉為豚加肉馬通謂之豕晉
語曰少波于豕牢韋昭曰廁也豕蓋與矢同音式視切
與豨之虛豈聲相近也豕韋氏又為豨韋封豕又為封
豨豨苓又為豬苓明一字也豨自虛喜而轉又有虛改
之音故藥有豨苓亦謂海苓海亥聲相近也豕亥物也
虵巳物也巳亥既為辰名故虵豕不得不自為文猶烏

於之為二字也彖珣特一字直例切珣从彖而諧以矢
聲猶_珣之生聲齒之止聲自直例而轉則有直掾之音
自直掾而轉則吐亂之音焉方言曰北燕朝鮮謂之玃
關東西或謂彖或謂豕南楚謂之豨其子或謂豚或曰
媿吳揚之間謂之豬今定以彖篆為豨又作珣二篆為
肆篆作豨以不為亥說文作_豨智按何孟春餘冬序錄
言彖為豚易借以言全體而以爻言分體因爻為卦爻
故又作豨加肉焉郝氏從之此說甚當蓋遂為古遯字

漢書曰遂逃竄伏戴遂音遜豚豕之音轉也吳敬甫以
亥象滋莠之形推古文作𠄎此論有理而創形太奇當
是不字豕彘豨亥莠同聲轉注略亥音几易林叶起管
子叶徵說文亥莠也趙賓以箕為莠則莠箕同音可知
子才特創豕字為豕則更甚于日月為易矣

爻即古脊字 豕豚也全體也爻脊也體解也爻从二
乂乂古区字說文曰象易六爻頭交也按易因文以名
書書初不因書以大名叔重支矣亦通作殺清效孫氏

力凡切亦無謂爾字从此

禘為古肆 息利切陳牲也取二豕於陳之義周官奉
牛牲羞其肆又曰祭祀羞羊肆詩曰或肆或將皆謂解
而陳之也周禮縣鐘磬半為堵全為肆故樂有肆市有
肆刑戮有肆引之為放肆為發語辭說文曰禘古文篆
之譌也又作肆說文曰極陳也从長隸聲此許氏不知
其原而分之

𧈧當為𧈧 徒何切說文曰虫也从虫而長象宛曲垂

尾形上古草居故相問無它孫氏湯何切鼉音同說文
曰水虫似蜥蜴而長大郭璞曰卵如鵝卵甲如鎧甲皮
堅厚可冒鼓晉安海物記曰鼉宵鳴如桴江淮間謂之
鼉更以其夜鳴也按它鼉疑寔一字說文以它為蛇謂
象蛇之死曲觀其文絕不類蛇而鼉則从它龜鼉鼉鼉
類也皆从鼉故知它即為鼉說文魚部又有鱣字魚名
也皮可為鼓亦鼉之衍文也

鼉借鼉聲 直遙切說文曰匡鼉也揚雄說匡鼉蟲名













杜林以為翰且鼃篆文从皃林罕曰从皃篆文省作鼃
子雲以為虫杜林以為朝夕之朝失矣或謂鼃自是虫
而音近朝古人借為朝夕之朝臨海水土記云鼃靡音
迷麻又有鼃俱以鼃籠生海邊沙中鼃腹如羊胃可啖
𪚩古文鼃 居追居求二切說文曰从宅龜頭與宅頭
同天地之性廣肩無雄龜鼃之類以宅為雄按說文以
宅為蛇龜鼃皆有雌雄野人目擊其尾接龜乃有能食
蛇者其頭不與蛇同許氏之說殆牽紐矣爾雅載十龜



龜為神物故以卜龜背中十三圍廿四備陰陽之數也
老陽策十三老陰策二十四

互從月為正 古登切月弦也詩如月之恒引之遂用
恆瑟別作絙絙又竟兩端曰亘去聲別作桓說文恒在
二部曰常也从心从舟在二之間上下心以舟施恒桓
在木部竟也古文作互徐鍇曰舟竟兩岸然古文从月
引詩如月之恒按許氏徐氏之說甚曲而不通古文从
月乃見于巫其義炳然从舟月之訛也古則士龍皆主

舟竟岸之說何其無見也子才从月而別作舟以好作
迂談故耳一曰二即恒字天地定位有常所也後加月
為上弦中天之象後又加心為恒而亘專為去聲或曰
左蒼嶼氏以為莫恒于日當从日

望望同文為望 扶放切又作望說文望在望部臣朝
君也从月从臣从王望朝廷也又作望望在亾部戴氏
曰按易以月幾望為疑于易日月遙相望不得謂之臣
朝君主之為朝廷甚牽強从臣者亾之變體也智按師

望敦銘作穆公鼎作師秦宮鼎作大約古之書史各以意變以望于人者惟臣本反身屈服之形亦从之而臥亦聲相轉但今字家定望為兩用則愚矣寔古之重文也朱氏曰古望字从諧聲古誑字後乃作  

晨之原 因作說文又有字从無謂或从作省文作以別十二辰之辰而則之譌也敬甫反以从者為正非是

夬自有此象而兇不从夬 當侯切說文曰从夬从兒
夬象左右雖蔽讀若瞽戴氏曰兇自象人被首鎧初非
取象于夬而从兒尤無義且夬亦不成文凡文有相類
而非相資者○聖非取園于口邱山非取地于一兒非
取臼于白牛非取角于巾雀非取角于羊夔非取尾于
火麤非取足于匕魚非取鱗于欠取尾于火果非取實
于田壺非取盖于大觀其通可也凡夫直欲廢瞽字而
專用夬字竟改禮記夬之無相荀子成相篇如夬無相

因魏吳氏之吹也

母聲之轉 滿鄙莫古莫后莫假四切古書母馬同音
皆莫古切今俗馬母同音莫假切淮南子曰西家子謂
其母曰社說文曰蜀人謂母姐齊人謂母妳又謂嬰吳
人謂母媒方音不同皆自母而變今魚有馬黃蜚有馬
蜚有馬薊皆其類之特大者蓋母之訛也俗遂作媽
姥文子為學老女為母更生為蘇皆齊梁間俗書妳又
作媪唐韻曰妳乳也別稱曰媪曰媪媪衣遇切媪烏皓

切郝氏竝不分母母二字以為母音轉沒沒音轉無其
曰禁奸則字學鑿說也愚以為上古本通為一字而隨
後即分母之別母自周列國時即分矣轉為無莫等詳
別條

大入一字 說文分二部孫氏音大為徒蓋切介籀文
孫氏他達切按古籀特字勢少差許氏分一字為二部
孫氏又別其音尤非矣箋亦議之而子才尚分二字者
何也

夷从弔轉 屣足箕坐也說文曰从大从弓或曰弓何義疑乃呂聲智謂執紼以弔古作弗象垂繞之形弔从弗省亦非持弓弔轉為弟而加ノ以別之

勅救勅救飭之原 歐陽公跋漢韓明府修孔子廟器碑永壽二年青龍在涪灘霜月之靈皇極之日蓋桓帝永興三年改元永壽明年丙申云霜月皇極莫曉其意智按霜月言九月皇極之日言中五十五日也韓明府名勅字叔節前世史傳未有名勅者董道曰勅从東謂

誠也韓明府自名勅爾古者以勞賚為勅勅為賚音其
文為徠別體當南齊時有劉勅為始興內史則古人名
勅何世無之永叔何疑乎徃時文嘉謨作縣樓架勅書
於昌樂榜為勅書蜀中縣多作勅者說文勅自音策馬
箠也勅音竒木別生也嘉謨蓋勛之子智按古列國之
篆惟取文美形近則混如勅作勅猶棗作麥也古多互
用易明罰勅法即飭法飭音飾省巾加力耳齊語飭其
子弟相語以事張良傳明飭長吏守丞馬援傳謹勅上

孫恂賚勅兩韻皆附勅字司馬氏定以為徠字韓字叔節名勅自指勅字彥遠何必為強說乎凡夫箋勅字曰唐御筆草書每作制字謬讀作勅非也勅見于易矣特古人借筆耳焦氏謂勅非而勅是則說文之馬策也智以勅為策亦是說文誤分从支从文何別乎蓋勅馬之聲近于勅古人借之也若依說文則董彥遠所主之勅字亦俗書矣楊大年言古不見用勅字始于周興嗣元美舉北齊百年書勅字見殺南徐龍駒代帝畫勅以駸

之

後霍之音 史記絳侯世家從高帝擊反韓王信於代
降下霍人注邑名音鎖樊噲傳從攻韓王信於代自霍
人以徃至雲中注作後人音雖孫恂音鎖又數瓦切則
雖之轉聲也漢地理志太原郡後人縣郝京山曰爾雅
大山宮小山霍謂大山在外圍繞小山即鎖義也郝公
鑿矣此乃萋音轉鎖豈有鎖義乎又曰說文後可以香
口即霍音按說文後蘊屬乃萋也即今之羌萋其味辛

臭古人有氣觸者統謂之香豈定霍香考霍亦苗之總
名偶以之名霍香郝公通人何復勉強如此智按霍自
有雖音何也後之音雖謂其綏綏然儀禮既夕茵者用
荼寔綏澤焉綏即胡蔓澤薌澤之類如澤蘭也文選雪
賦霍霍霏霏霍音雖晉石崇傳論春畦霍靡梁書武陵
王紀傳殿柱生花霍靡可愛蓋霍霍从佳佳本職迫切
唯誰睢雖等从之應有蔓音其音鶴者因與霍近也故
擢因擢鶴因鶴而得其音後人沿習說文聞霍音蔓則

以為奇即雪賦之霍霍今作霍霍亦以霍讀之而不考其本注音雖矣

畧史塊由之原 畧去衍切許氏曰畧商小塊也从史古饗字引論語何史象畚形也金石韻府又載汗簡作史說文作𠄎今無此字豈唐本邪林罕曰史古饗字徐鉉誤以為古饗字此罕因與而誤也史或作史鄭氏曰史與塊通按塊古作由而郝氏謂由塊普普壙蒯傀魁魏通用言莊子魏然即塊然列子塊然即魏然此恐不



必耳禮運蕡桴而土鼓論語方覆一簣即一塊荷簣者
擔土璞者也周禮注蒯桴葦籥史記孔子弟子傳蕡桴
孔悝亂春秋作蒯桴荀子傀然獨立注塊同東方客難
魁然無徒注與塊同又見升菴以墦菴為塊字菴本地
名菴里舊音魂孫恂作菴誤趙古則以峇為山形似甑
與者亦作巖借作甗吳敬甫以峇从自不當从自古人
以形借用之義未嘗不通敬甫輩止見其一不見其二
耳




毋乃毋之訛毋即好也 說文有好美也又有毋人姓也引周書無有作毋去聲故周伯琦專以毋為好惡之好智按今有姪姓音丑去聲下引周書與切乃後人誤入也凡夫改作奴戴氏本載好字蓋好即好篆虺侑訛為丑耳說文偶載之而宄虫見小者附會其說夫一好字止轉上去二音尚欲專立一字則古人不通甚矣今高麗國以好作姪以姪作好使中國當日如此今亦相沿从之如甘本舌字象形舌本甘字从干入口自小篆

顛倒用之今豈可改乎可見六書亦易之象也可以為
典要而不可為典要也子才以子女為好不可為訓改
从母作母迂哉迂哉

者為古省 鄭夾漈曰者从生从自是古文姓鄭氏疑
為古省今篆作者借作災青夾漈从自者或有是重文
耳說文者从耂省敬甫謂省从耂而耂是相字小篆訛
作相戴氏作耂从少冏則漁仲所云少目之說得一佐
矣

胛黃本即窳 說文黃敬惕也爾雅文引易曰夕惕若
黃今無此文應誤記良其限列其黃厲薰心以黃厲互
用也徐本翼真切从夕寅聲或曰寅有虎形故从寅與
虬畏同義說文于寅為鶻寅之說更曲而不通鄭氏曰
以同寅之義思之當是徃古以寮為寅而臣於寅簷祇
候故有寅恭之訓戴氏祖張氏以寅黃皆申聲而黃則
作龜據王輔嗣解易列其黃當脊肉也从肉為是从夕
者訛耳說文有胛後人或訛作胛黃龜應是重文明矣

許氏以黃附夕部已誤引夕惕若之易則从夕又安可據乎六書本義言本為脊月而借為寅恭寅時寅或加夕古作皆象形智按秦和鐘銘有龔黃即恭寅蓋信脊肉為本而敬與時乃借用也博南引墮淚碑寅作寅蓋寅从肉古肉字訛作宀从廌象脊月之形甚確考古文寅作則更可驗矣

申總从申東以形會意 長箋曰申本形作像艸木萌芽如申之形許氏弼从白會意遠矣古文有作

者有作^〇者或作^山者則許氏濫觴也或以七月屬申
與十二時之申則萌芽不合不知先有屈申之義而後
借此以為十二時之申說文言申神也吏晡時聽事申
旦政也此語為拙若體自申束从白六字之訓未嘗不
是蓋象人身之申白象腰脊也或曰與古文不合余曰
上古繆篆取態且安知非上古象萌芽之申而斯篆會
通象人身之申乎^山字孫氏居玉切蓋合^山白為一字
以與申度之則白自為一篆矣智又考周禮注信圭音

申刻人形伸也躬圭刻人形屈也晉書樂志七月之辰
謂之申申者身也言萬物身體皆成就也此可合看說
文申東之意敬甫以申為取字則尤非

畫畫勦皆一字 戴侗分畫畫為二字二音此何異今
之分畫音或畫音化乎古止有一字或音一轉而為化
耳画本字也因用聿作畫劃因古用刀筆又作勦後人
因音同不使專主故分為二字趙凡夫曰本當作其加
聿則字畫之畫若田界用筆何說也升菴引莊公六年

寔來公竿曰慢之曰何以慢之化我也穀梁曰畫我也故簡言之也按是桓公六年寔來州公名也州公自曹朝魯以失國而名之也化畫同音則春秋時之中原音何不據此乃从江左乎智按古化有訛音或周末漸轉有之

𠂔又作𠂔 子亦切說文𠂔背呂也讀若脩即今乖字唐本作𠂔从大又有𠂔字背呂也李陽冰曰𠂔背心也手足之所不及故謂之𠂔干背文炆肉文按𠂔晉寔一


字後人加肉猶雲雷之加雨也今世不虛心服李公之說而且辯率之音乖非旃之乖而改造一乖字徒紛紛耳

甸乘同音猶陳田通音也 渾良夫乘東甸兩牡杜預

曰一轅卿車陸德明曰甸之證反賈公彥曰四邱為甸出車一乘古者甸與乘同故詩維禹甸之與命叶荀子王制篇注亦云蓋古田與陳通戰國策陳軫史或作田軫陳敬仲世家作田敬仲荀子田仲史鮑田仲即陳仲

子詩應田縣鼓宋書樂志引詩應陳懸鼓今詩注疏應田作陳文從陳周禮音陳為應亦非當音陳

匚為古筐方為古菊口為古方 說文匚府良切又有

匚巫禮切趙古則并為一可也然終以為方故凡夫廢方字而用匚為四方之匚智按匚古作象形即筐字後人加竹从匡耳或古人筐方音近如吳人之讀罔無等字乎非孫叔然之音非則必門法初出時輕重交互門以輕切重之所誤也如必方舟專用而不可通則菊


放何以又从方得音而不从匚乎鄭氏言方即防字智
以為古荀字六八八方皆古人字象正側之形方蓋仿
去全人之象士喪禮注樓為縵荀為方荀子方皇周浹
注方音荀可証借為方舟竹乃漸起或訛筆未可知也
口乃古文方因與圍圓混故借用方

器以从工為近 器說文从犬守器其說甚支鄭氏吳
氏作器从工有理伯琦作器六書統作器朱王孫以即
器車虺虺有聲也器物有方有圓器省作器又省作器



又訛為犬智按古罍作罍罍即罍省作罍月令其罍疏
以達陸釋文作罍




多夕皆有空音 多有移侈之音台有怡蚩之音侵覃
兩韵相通猶陽庚也夕亦有平聲如空从多亦从夕也
呂覽正坐于夕室謂宮斜而正其坐也夕與邪同鵬賦
庚子曰施漢書作日斜袞斜谷漢碑作余古怡余同音
也今人見夕為空音則怪之隻本从佳當平聲反讀為
擲賈誼書楚昭與吳戰何惜此一跣履管子其獄一跣

腓一踦屨注作一隻屨漢五行志匹馬舦輪無反者注
隻輪也蓋隻乃踦之入聲夕亦宜之入聲也古人脣齒
相近則借之不推至此何以知古今之原流邪敬甫不
知此原而造夕字音移因古文勿芘也辛泉云宮中二
人當夕謬甚鬱儀以為古晦字智疑是先以脤迤之形
生脤迤之聲而後轉為得何切也

心古作自象形不必倒火倒去論也 省公秘笈

畢少董論水字中直不須曲只画一坎卦出耳余因思

張有言心字是倒火字豈知心字画一離卦三哉上一
點中二點下一包上之一鈎也智按喻子才云王介父
以心从倒〇言無不〇張謙仲謂凡火炎上而心火欲
下故从倒火非倒〇也王說已鑿辯之亦鑿看公又鑿
矣字豈有从今日楷書去義者哉古篆山象形耳師尅
敦作小篆作

得臣為賢古但作得古文楚辭作乃得之說戴
氏作以手得貝為義又即手寸即又得臣為賢古省

作取亦得臣之意也聲則臣取賢一聲陳重雷義善語
曰膠漆自謂堅不如雷與陳白虎通曰臣者堅也漢人
好以韻解字于此可推臣乃反身故望人事人藏身皆
用之曰古文身字小篆改作身溧陽長潘乾校官碑洪
景伯釋文剗去其刀賢去其貝可作取為古賢之證

得貝為得 說文作𠄎又作得鄭趙揚皆从見六書故
作𠄎从貝又朱氏曰从鬲省又曰从見又曰从貝何無
見也蓋古文有𠄎𠄎𠄎諸文今據得正貝形見乃訛

耳又按則字从貝或从員以貫貝為準則也得貝為得
从寸从又意同可與得臣為賢同會意

訃不音訃約不音拙 孫季昭示兒編云訃音訃訃音
凶作蛩音非俗以焮釁為欣以奈糯為耐以約拙為約

今考各書訃乃訃之訃巧言曰辯亦作有功曰辯俗字
也隋有柳訃傳燈錄有衢州靈曜寺訃良又訃光善書
自隋唐以來用之無音訃者約亦音約無音拙者宋孫
季昭名奕升菴云孫慥示兒編不知何據得毋以曾慥

為奕邪

麋壽即耆壽眉原作𠄎 荀子用須麋集古錄曰漢故
北海相景君碑銘有云不永麋壽余家集錄三代古器
銘有云耆壽者皆為麋壽蓋古字簡少通用至漢猶然
也六書索隱曰三代鼎彝耆壽字多作𠄎𠄎𠄎轉為𠄎
字易詩用之說文偶遺而徐鉉遂以媿代𠄎誤矣智按
豐有門音爾雅藁冬是也豐本象兩太之形如門門耆
音近故借之按伯碩父鼎作𠄎史頊鼎作𠄎穆公鼎作

鬻叔夜鼎作鬻而合溪則曰鼎文者作鬻鬻則齊莽
史鼎銘孟姜敦銘也故鄭氏作鬻鬻字若論款識文則
鬻儀載之甚詳要皆訛異耳

豐齋畧鬻鬻之分 楊南仲曰豐古作鬻鬻也之鬻
用之為聲今為許刃切智按豐門者齋鬻古皆相通後
人从酉以為許刃切謂鬻牲者于門外也升菴曰鬻亦
作豐賈誼傳鬻面吞炭注羹也周禮女巫鬻浴謂羹香
沐浴也或作衅樂記車服衅而藏之亦作興禮記既興

器用幣亦作𦉰若輕𦉰用火則音剽作𦉰非𦉰也合溪以𦉰作𦉰若𦉰則與𦉰同

互聲之例 說文顛蹟闐以真為聲煙咽以甄為聲馴
紉以川為聲說駢以先為聲此皆先真韵中互為聲也
如天亦叶人田之音陳可知古先真多通亦猶覃侵東
蒸之通麻多入虞灰多入微庚多入陽之類也升菴曰
舜居陶甄為甄氏孫堅入洛見甄官井氣得璽以甄與
已名音叶後吳人為諱故改音真又引莊季裕雞肋篇

甄徹登第林攄唱名為堅音上以為真音攄不遜坐貶
智按墨莊漫錄載元豐五年暨陶登第蘇頌呼入聲大
觀三年有甄陶者唱名為堅不應陶自言之人切則所
傳何參差若此至引王逸楚辭鹿谿兮躑躑猓猓兮蟬
蟬鷓鴣兮軒軒鷓鴣兮甄甄以為音堅此不知軒亦可
音欣蟬亦音尋不足據也孫季昭嘗怪學者不知甄押
真韻為歐陽氏之誤張華女箴以甄叶人則固可不拘
矣智按古無甄字說文止有甄旬也从瓦聖聲居延切

博雅曰甄陶窰也則古以甄為甄無疑沿漢以來呼甄為真故又大甄字

正邪之原 漁仲曰左氏曰反正為乏正無義也正乃射侯之正象形也正以受矢乏以藏矢正相反也邪正之正無所象故正用侯正之正邪用琅邪之邪竝協音而借者也智謂正本指四方平正之形射侯之正亦指其在中正方也猶今俗簡面寫正字耳邪从地名地名何因乎古邪音余如漢書歸邪音歸餘牙音吾故與互

通允吾縣音鉛邪本外國之呼中國以字配之何不竟配牙字而配以吾字則漢人猶有讀牙為吾之音此可證也邪為余余為斜袞斜谷亦作袞余此又一證也不正則斜人行不正亦謂之邪故用邪字後又以衣裔殺縫作袞字故亦通用奇袞之民而袞則衣之餘幅斜也也餘亦有斜迤奇零之義推原其始，即斜字音移賈賈日斜又作日施日晡與呂覽夕室俱音移可證

么了之原 漁仲曰韓子曰自營為么么象男子之勢

故又音鳥。𠄎與了象形也。智按。了乃了字。𠄎乃私字。古謂陰亦曰私。則𠄎即了也。漁仲何辯之。有書史嘗有陰私之私。𠄎太減。故从私了為完了之義。自漢有之。借音也。古文竒字了作。𠄎即繚字。又按漢時有椽也。二稱別。詳彥原條。

𠄎疊之原 子雲以疊為古理官沒罪三日得其宐乃从三日从宐此說已支漁仲謂疊古作疊祭肉之積在器也从晶音精象積肉形宐祭器也智按子才以品為

疊敬甫以△△為疊合溪謂△△古絜字智以𠩺△△○○皆象
累形後加土糸作累壘漢書用絜絜絜息則𠩺即△△明
矣疊正取𠩺之意宜形也子雲三日之說漁仲晶肉之
說皆支乃象𠩺物于器上也从晶者𠩺之省文△△之增
文或篆作𠩺耳古文疊作𠩺說文無𠩺而从𠩺者多皆
言从𠩺而不言从𠩺省明𠩺自為一字徐鉉曰𠩺不成
字當从𠩺省故此辯之蓋古𠩺𠩺或三四皆象疊累之
形初作△或曰⊗非从田从日也

以韻訓字不可執一 漁仲言忒从亡戰从單戮从琴
戢从聿戮从癸是矣又日記曰祖者且也祖非从且徂
祖之類从且音徂又曰刑者侷也謂刑之若井而有侷
之義則勑也井也耕也亦可曰刑乎智謂古人解字皆
屬借義如歌詩斷章自左氏止戈已然不必責以正體
也若周末至漢皆以韻解之如韓嬰曰君羣也王往也
先生先醒也鄭玄賈逵劉向班固劉熙杜預諸人皆襲
此以為正訓如父矩也母教也兄况也弟悌也子攷也

孫順也男任也女如也姑故也姊咨也夫扶也妻齊也
妾接也宮中也商章也角觸也徵祉也羽宇也冬終也
夏假也秋愁也黻也春蠢也德得也祖且也舍舒也寅
蟪然也卯茂也辰蜃也巳陽氣已盡也率以巳意牽合
此弱侯之所以痛恨也然亦有閤合者皆屬借意不為
不可如祖之為且且乃借聲助詞其諧馬韻乃是周末
漢初之音若古之且夫之且亦音祖猶藉古音藉如開
口用猗用維用侯用爰之類轉聲則用緊用祇用即用

庸渠其用通字亦讀同爾故賤中有爾乃之語其用且
字常使即字今史漢中語猶然漁仲直以今之家麻上
聲呼之邪彼時以韻解字祖者且也如今讀則不諧矣
說文且子余切乃孫氏誤也且本俎豆之且象形因為
借義所專故加半爿作俎即以曾子之言可證說文子
余之誤而漁仲乃笑之邪吳氏總要亦作且且謂且古
作且小篆作且智見鐘鼎有作且者戴氏作且弱侯嘗
恨漢儒之解姊姑等字而自解亦鑿如姑从古齒德俱

尊觀舅从白可知也姉从市古紱字蔽膝在前觀妹從
末可知也此不惟義強而六書亦誤姉从弟篆作𠂔非
市也妹从未篆从𠂔若从未則作末矣其實姑姊妹皆
諧聲耳子象形男女夫婦皆特大之字父象老人持杖
作父母从女加乳夫與大同意象人肢大男从力田會
意或曰从凶妻古文作𠂔从齊諧聲小篆改妻亦如婦
持箕帚事人之意也

率夏不音律 弱侯謂唐率夏今皆音律因升菴之說

也智按胡身之注十率府與率更皆所律切穀率藻率則音律耳弱侯又曰量名音刷此緣金選音刷本百率即百銖而誤也蓋選有算音而古人通用之諸家皆未知也

鼠有施聲 史記灌夫傳首鼠兩端後漢鄧訓傳首施兩端注猶首鼠也西羌傳亦云首施兩端按古已呼鼠為施矣今吳中呼水為矢建昌人呼水為暑即此可推古鼠施之通聲

黽不必音蔑 升菴曰抱朴子語曰寒素清白濁如泥
高第良將怯如黽泥音涅後漢書引論語泥而不滓可
證黽音蔑爾雅引黽勉或作蠹沒可證也晉書作怯如
雞蓋不得其音而改之智謂泥自有涅音然說文有蠶
字水虫人食之今人稱蛙為水雞田雞是其字也奚即
蛙音此為重文晉書改雞亦蠶字之訛也凡夫則竝以
匪雞則鳴蒼蠅之聲為青蛙之聲

濕溼潔顯顯以形相借 說文濕水名音他合切即禹

貢之潔孟子淪濟潔也漢志後靡縣潔水至無終入庚
水魏書道忒帝如馬邑觀潔水注即紫河也出雁門陰
館縣補頭山一曰治水師古曰潔力追切丁度集韻潔
灑濕三字同水出雁門合而證之則古濕水音榻今潔
水音累二音相通智按濕从累說文累五合切或以顯
从累而音累為顯者盖古文𣪠象繭出絲形後作𣪠而
𣪠為兩絲相合之形音五合切其聲近榻今績麻者亦
呼榻麻累有榻音亦有積音故卑濕从之而字別有溼

累則纍省耳漢人見形相似即借用之如郟閣碑嶠潔
即潮溼熊君碑顯作顥之類古人求書甚難郡邑二三
操筆為文之士以意隨用豈盡皆考究之儒者哉

諄諄

一字

力軌切說文曰諄諄也諄禱也引論語諄

曰禱爾于上下神祇今語解不然非以諄為禱也諄者
謂撰其德行以哀悼之因而命諡竟以諄為諡亦誤合
溪曰謚字宜从益徐本說文作謚兮聲而謚為笑兒益
聲孫氏伊昔呼狄二切唐本無謚但有謚行之迹也字

林諡从益智按史漢皆用謚漢書賜之令諡又作諡乃知諡諡諡一字重文也凡夫以史漢誤用謚按謚為笑不見經傳多因唵誤而唵因笑言啞啞而誤

鐘鼎之𠄎即若 說文𠄎擇菜也从艸从𠄎𠄎日出東方搏𠄎木也𠄎籀文孫氏而灼切按書傳不聞以若為擇菜者搏桑及木之說無稽古鐘鼎文凡若皆从𠄎盖从口而𠄎訛為𠄎耳籀𠄎即若字也石鼓詩𠄎而出奇𠄎正若字又有𠄎乃若字也宋元諸家主此說

春若花卉之原 𠄎𠄎皆見商鐘 楊桓說𠄎楚王彝
說文無𠄎而有𠄎𠄎後人遂補𠄎字丹鉛四錄古鑑銘
春夏秋冬作𠄎𠄎𠄎𠄎或曰春屯聲从日暖也以古文
他文考之𠄎𠄎皆从卉由此推論卉乃花之聲花古作
華讀如𠄎作𠄎轉而為輝音如今閩中之讀花為輝也
花既近輝或轉為卉遂作蕙字為字確字後人乃分用
若則从卉而聲則从花萼轉也

蕙音有抑音 說文曰意从音心察音而知意也此甚

牽附蓋音為聲或音訛為音也史記音噫漢書作意烏音與意同聲也說文又有意字即億字俗作憶字論語抑與之與漢石經作意與之與可見意有抑音古通用也如惜亦有抑聲有韻聲可証詳見重言條

寧甯甯皆本于寧 囊丁切說文从宀从心在皿上又寧願辭从丁寧聲又寧定息也从血甬省聲漢郊祀歌穰穰復正直往甬王莽傳永以康甬甬與寧通漢書甬成史記作寧甬越一作寧越即寧甬寧三字亦必相因

許氏殆牽合耳蓋从宀覆器象安置之形丁則加聲从
心象皿中之形何必作安心之說邪石鼓詩有宓字即
寧春秋甯毋穀作寧毋公孫寧儀行父公羊作甯滕子
寧卒公作甯鄭伯寧卒公作甯商洛鼎銘劉原父以丁
為寧彥遠是之

𠄎其從交手 矩悚切又借為共敬別作恭為共奉別
作供平聲因為同共去聲說文曰𠄎从𠄎古文共之
从𠄎其義迂曲古文交手乃其正也隸書趨省為𠄎耳

吳氏以拜為共

肅即筆 說文聿手之捷巧也孫氏尼輒切肄與肅皆
从肅肅所以書也楚曰聿吳曰不律燕曰弗从肅一聲
孫氏余律切按書傳無肅字且手之捷巧何以取義于
巾其實筆聿一字後加竹耳借為發語詞別作敗慎之
主此說

變有辭治變之音 說文變古文羸字亂也一曰治也

孫氏呂員切集韻盧玩切古孝經同又作彊說文曰受

治也么子相亂受治之也讀若亂受古文又亂治也从
乙乙治之也孫氏郎段切按辭以受為聲說文蓋以受
為治而散為郎段切孫氏誤以郎段付韻而今古清矣
辭為辭受之辭辭為古字詞為言詞籀文作辭以台叶
音也合溪曰變與受即治字書治皆作亂殆變之訛也
从受从辛猶言理臯也孫奕季昭示兒以亂為治字受
平小切子才以變為禮幹切以亂為治字總之觀辭之
从受或作辭則治之得聲灼然矣觀變鷹之聲則變之

為亂灼然矣而古或以形聲相借猶煥儒輪團抱桴之類故加乙加支以為筆態猶高頤碑後昆作緄呂君碑蕭條作蓀也

頤頤顛一字 楷渠追渠爰二切頤骨也又作頤戴氏竟曰與顛一字說文曰楷九達道也似龜背故曰楷楷高也頤權也按爾雅九達謂之達亦借作楷許氏不知其為假借故為曲說如此顛尫通聲猶魁渠毬鞠邱區之類詳別條

𤇑自有聲 說文从力熒省熒火燒門用力者勞𤇑古文从𤇑許氏之說鑿矣𤇑亦以𤇑為聲二火當門為燎力之聲義亦合敬甫曰當作𤇑或作𤇑因作勞趙氏專大𤇑音熒余謂从二火口聲

勦勦後分 六書刊誤以無勦說安用勦民為从力平聲征勦之勦為从刀然古書時有借用者智按古勦作剽王莽傳剽巫子是也陳氏九經考異引漢書作剽恐是剽訛

寸與又通義 六書故知又之為手不知手以關上為
寸關下至腕臂為尺尺寸之本也故从寸即从手之意
石鼓詩劓字齧字本曼旁也旁又皆作寸可知古人篆
法ㄩㄩ隨時加減見鐘鼎甚明必拘拘如叔文冂之類
一旦改之何怪人之怪乎如貝有古文貝豈能盡貝傷
皆作貝則可咲矣貝亦篆文將欲存貝而廢貝乎甚矣
其泥也

ㄨ即牀

在良切說文牀从木ㄨ聲李陽冰曰右為片

左為彡徐鉉曰說文無彡字李妄也夫彡壯狀𠄎戔𠄎
皆从彡聲唐本說文有彡部張參五經文字亦有之鄭
樵曰彡也亦判木也音牆古作𠄎後作目又加𠄎敬甫
主之今隸皆作彡正與木左半之說合𠄎即折字古𠄎
象形𠄎作𠄎

𠄎𠄎之合 庫拜切𠄎也諸家作𠄎字說文曰𠄎聲徐
鉉曰說文無𠄎字當是𠄎字之省而聲不近未詳𠄎疾
正切說文無𠄎乃遺耳總要以𠄎為𠄎

宀當音密 說文宀深屋也 忒延切 合溪以鐘鼎文之
宀而竟改宀从个 此甚不必 但魚儉切為無據耳 智以
宀从口如鬪為鼎之肩音密 儀禮古文鼎皆作密 則密
鬪一字招魂 蠱勺即密勺也 蓋或有把故作宀而屋之
个象字形後小篆與宀同而說文音綿以密音而轉也
子才敬甫宮室从个其穴从宀則太造矣

家非豶省 伯琦曰家與牢同意 畜豕故从宀 因用為
室家之家 牢牛屋 因借用為牢獄之牢 說文謂从豶省

謬甚辛泉从口豕為家合溪从取即族字訛為豕智按
楨本矢鏃而閱才六切从众墮淚碑眾作从眾从取也
吳氏竊合溪之說而又音依為吟則更牽強矣又急就
章家伏几也今謂之夾膝王伯厚曰猶揚子所謂繫人
也隋煬帝嚙戒師有夾膝唐陸魯望以竹夾膝贈皮襲
美總按古文家或作𠂔𠂔𠂔𠂔𠂔𠂔𠂔則知本
伏几之器借聲為家古讀近姑即吾字之聲也因有从
犬从豕者言家先畜也亦有从身者吾所居之意也从

牙者諧聲也

竊从宀而高聲

說文曰盜自中出从宀从米从甘高

諧聲戴氏改為竊則隨手杜撰矣或以竊為聲萬之首訛為甘也鄭氏曰从宀而高聲訛為竊耳

窞即窞

式鍼切說文曰深也一曰窞突从宀从艸省





類篇又所禁切俗謂深黑為窞窞商頌曰窞入其阻說文作窞按毛氏曰深也疑即窞字作窞無義伯溫主窞入曰窞周也突則為深字之本凡夫則又取窞入其阻

之說而搆謙乃作窠字智以窠無別用即是深字止有
李鼎祚載晉人窠衷升菴考舊本音森智謂森深音近
即是一字古人釋字口齒微粗耳如今松江人森深有
別否邪

官从宀省秦權作𠩺 古丸切說文曰吏事君从自自
猶眾也與師同意戴氏以官曰聲曰古環字訛為呂秦
權文官正作𠩺吾子行非之謂𠩺為窠字夫又安知古
窠官之不相通乎六書統𠩺𠩺𠩺公舍也推論古因官

省作官詩三歲貫女石經作宦女可徵古宦轉掾音則
轉官音明矣漢張公廟碑國無災穉即災患以官有宦
音此又一證也備考與精蘊从環古文守字或从鳳或
作團則自臣通用此又一證也鐘鼎有从官縮有作廟
者秦權从同各國古文隨取耳說文謂从自省孰與从
宦省乎徐曰與師同意師本象獅改作師耳師旅以
統率得聲率轉借器猶今省筆作帥為將率也

又辛午杵之原 斲木為杵借為子午說文五月陰氣

午分之說甚曲所以知其為午白之并者爾从午从白
此明證也昌與切父乙鼎文作庚午鬲文作借為
子午午貫錯午戴氏主此伯琦搆謙俱从之子才敬甫
別作為午字京山曰古午五通日中為午一縱一橫
之象推之或作變為午

饗餉曩之原 式亮切又作飭餉餉又有饗說文曰周
人謂餉曰饗孫氏人萊切陸氏式亮切其實餉饗一字
吾尚欲合曩者為向者何況餉饗乎

濕鬲一字

郎激切說文鬲鼎屬實五穀斗二升曰鬲

象腹交文三足或作甌漢令作甌又曰濕甌也象孰飪
五味氣出按濕鬲一字猶與子皆與百不當分也亦
作鬲借為阻鬲

鬲即鎡 方復切無足鬲也又作鬲別作鎡按說文福
輻菑逼副富幅匐蝠並鬲聲而籀文副作𠂔穰作穰以
此推之鬲乃鬲之變鬲即鎡也

𠂔即香 說文𠂔孫氏皮及切合溪曰鄉从𠂔齊侯鐘

鄉作𡗗宋君夫人鼎餼作餼披季𡗗伯庶父𡗗邢𡗗牧
𡗗其𡗗皆作𡗗𡗗亦从𡗗疑此特𡗗字𡗗字象形其下
訛而為匕也伯琦从之敬甫从其形而不从其音夫烏
知香之為吸乃平轉為入乎子方作𡗗朱王孫曰𡗗古
𡗗字

尸為一部 戴侗云不可曉智以履屨从尸省屋从尸
广變形亦象屋上有宇而後有廡也尸之為主為陳亦
从此生意非从尸也尸象人僵形故作屍祭尸从尸主

義吳氏別作己各處自為象形形偶相近非从尸也

气為古氣 卻利切象气起兒借為乞與之乞又轉為
气勾之氣 卻訖切今作乞反以氣稟之氣為气而加籒
黃老家又作烝子才作_三敬甫作

標票从𠂔 卑搖切說文从幽戴氏作_幽从要諧聲要
即腰也篆_𠂔象形朱氏曰古文作_𠂔_𠂔_𠂔即肋魏吳俱从
之

尸即危 魚為切人在尸上危也又作_𠂔又為危以巳

諧聲猶壘之復諧以生也或曰危妃肥配皆以巳為聲
需即奐 軟从車欠不可解又作便腴恨輒輶素問與
弱皆作奐又奴亂切按需有濡音與奐近故多互錯皆
以从奐為是說文奐而充切鄭司農說柔需之需可證
六書統作而

捫摸一字 捫莫奔切又摸字末各切捫也說文以此
為摹字古無摸字即捫也音有二轉故說文並收摹捫
而隸書猶以摹勒為撫勒因規模為規撫也

擲即擲 直隻治革二切投也說文搔也又作摘莊子
摘玉毀珠又作擲古無擲故借提見史漢

彙合工器寸以多為聲 士箴切唐本不从口而从几

唐玄度林罕云古文从寸从尺推原古讀設如穰又讀
如寧凡囊裹多从之字从𠂔者示凡器物之狀耳此从
又寸度器而多則參之聲也

反正當為𠂔 𠂔、𠂔皆古文正字左氏反正為乏藏矢
之具或曰反正為𠂔𠂔蔽矢短牆也鄭玄曰四尺曰正

二尺曰鵠鄭說失之正居侯三分之一不可定也反正當為丐訛為乏爾正月之正為平聲相傳避始皇之名然正自有平聲詩云不出正兮與名清成叶

彳从行來 余忍切長行也延从此說文又有延字曰安步延延也从彳从止孫氏丑連切按書傳未嘗有用延者

彳从巾几皆象形 定作延以為从巾不从几此合溪之泥也用亦虎頭几非虎尾乎小篆之變筆也

鞞分為五 說文同音而異字凡五 一曰鞞 蹋鞞也 鞞聲或作鞠 从鞠 其二曰鞠 窮理罪人也 从李 从人 从言 竹聲 或作鞞 其三曰鞠 曲晉也 鞠省聲 其四曰鞞 窮也 其五曰窳 窮也 鞞聲 鞞與鞠同俗 又有鞞 皮毛丸也 又有詢 窳 鞞 鞠 文淆亂而義不明 蓋說文載者 漢人所分 又太多事矣

𠂔 𠂔之分 卯酉𠂔開而𠂔合也 後乃別作酉 酉乃酒字 故用酉 酒乃加水 盞 留 𠂔 皆以𠂔為聲 王莽謂劉為

剛耶金刀蓋已不知矣虞翻曾論之

鑄鑄之分 又作鑄補各切許慎及鄭氏皆以鑄為鐘
之大者國語則鑄細于鐘鑄鑄多互說文則以鑄為鐘
而鑄為田器可見當時皆是臆解

幹乾榦之原 居寒切唐本說文曰幹溼之幹也徐本
無幹字又作澆借為支幹去聲又作榦蓋古干虔二音
通呼如虔州即贛州可證詳見前凡夫不信有說文別
本故謂為俗字余見他書所引說文語為今本所無者

甚多凡夫自不廣讀書耳

匕非反人 卑履切禱記曰匕以桑長三尺或曰五尺
少牢饋食禮左手執俎卻右手執匕柄縮于俎以受于
羊鼎西司馬在鼎東二手執挑匕柄挹涪注于疏匕升
以受尸尸卻手授匕柄坐祭齊之此所謂挹涪也鄭氏
曰挑讀如或舂或抗之抗作挑者秦人語也挑長柄可
以抒物于噐者今文挑作抗鄭氏又曰二匕皆有淺深
狀如飯糝說文誤从匕為反人又謂匕一名柶非也柶

小子匕古以扱醴及醢醬匕之類也鬯从匕象形也化則从倒人為

卝即匱 鉅伯仲姑也字以支切又上聲沃盥器也有流以注水象形亦作𠄎又作匱秦刻石文作𠄎說文𠄎女陰也此說甚舛或當時有此方言耳伯琦亦从匱說借為詞助羊者切凡夫因說文女陰遂廢也字而借殿𠄎以匕為聲 𠄎甫切左氏曰止戈為𠄎鄭夾漈曰𠄎非从止乃𠄎聲也古文歌舞之舞作𠄎撫綏之撫作𠄎

廊廡之廡作宀有無之無亦从亼皆以亼為聲古文𠄎
有作戊者象執戈揚盾之形有作奮者取習用干戈之
義既曰止戈而又曰偃武則復矣伯琦亦宗夾漈此說
而敬甫反不从乃沾滯左傳又宗子才子才好作理談
以止戈易立論也亼則古廡字象屋覆形亼古旅字人
在亼下轉王音資暇集以亼為無以亼為亼蓋未知其
原耳

戊茂古通 莫候亼遇二切片父巳𠄎戊祖戊匜戊沈

子孟父戊，釁同戾。周姜，鼗鄭樵曰：戊，亾，撫切，卽忒字。許氏中宮六甲五龍之說，妄矣。趙彥衛曰：戊本讀茂，茂避唐諱，讀如忒，或如務。宋永亨搜採異聞錄：五代史梁開平時，司天監言日辰內戊字，請改為忒。朱溫父名誠，以戊類成也。按茂以戊為聲，詩吉日維戊，與阜醜叶。趙說是也。魏吳作𠄎，𠄎，𠄎，𠄎也。象根抵分布形，後加艸作茂。

鼓，鼓多分。說文又有𠄎，按鼓不應有二字。說文于攷字又曰：攷，垂飾與鼓同意，蓋不能自一其說。从攷為是。

擊鼓為鼓猶著衣為衣非有二字叟乃叟之訛

佳嘉入麻韻 說文曰美也人部又有佳字善也古腭

古牙二切蓋古無佳字楚辭始有之實一字也智謂佳
既有古牙切許孫何故不入麻韻六書統臯即嘉从匡
者加禮也

么無二字 說文 8 小也象子初生之形陸機賦絃么

徽急注小也爾雅么幼注豕後生者俗呼么豚班彪論
么膺即今所用么麼也又有么貝亦小貝也俗訛作么

丁度乃云么乃詞令名有小么令么么不同夫六么本于骰子之小點豈有二字之理韵會小補復收此說而不正之故為說破鶻冠子曰無道之君任用么麼退之詩曰么麼微螽斯

羌乃羊聲 說文曰牧羊人也从羊來古文按羌羊聲許氏說非

蕭蕭聲轉 說文曰从肅在州上戰兢也甚牽強按歔嘯蕭蕭皆以肅為聲詩條其歔矣與淑叶州古文蕭按

蕭與肅實同聲肅轉平聲則合也書古文从心从巳才
老以蕭蕭嘯皆音肅智按陸本條其嘯矣即獻甸師共
蕭茅鄭大夫云肅字或為蕭蕭讀為縮縮酒也可證

崧高一字 孫恂徐鉉合為一字者通戴侗非之不必
矣說文止有崧嵩乃新附

汜涇重文 詳里切爾雅曰水浚復入為汜一曰窮瀆
也說文與爾雅同引詩江有汜又涇水名引詩江有涇
分詩一字為兩必誤矣涇乃汜之重文也

一二太減故時作壹貳弌弌、レ之為主凝亦猶是也
程大昌曰在顏師古時江充傳固已訛太臺為太壹
薛宣傳壹矣為樂而乃作壹矢可知古以壹為一智按
李斯刻即有以一為壹者古取文畫茂密耳以聲通用
左傳自參以上顏子不貳過豈知後世作柒捌玖拾欲
使人難容奸偽邪隸筆以一文太減故加弋為聲弌弌
則从弌轉弌文亦減故加水作冰而加疑作凝、文太
減故通用主而加水作注今長箋必用為注字用室為

主字泥矣如欠筆陵切徐傳說文必以冰為凝故張佺
且讀李陽冰為佞字宣和譜陽冰字少温其為冰明矣
張孟竒曰欠于隸楷不能獨成文故後人加水別之凝
之从欠从水無義當从今文智謂六書之道知其原而
以適用為主非謂後人必無當也

三匹四通用 四即道書吹呼吸四之四从口从八作
𠂔張平子賦恂河林之蓊蓊注恂息也與四同盖古以
一二三三為文四乃四也胡一桂書三三三字作𠂔或以

四為四而𠄎為數古蓋通用後乃分之按本月表中土
之音滿一音一名或兼二名而數目自十後十一二十
一悉以二音三音呼一數于文尤難諧協乃用單字易
之如廿之為入卅之為颯卅之為昔𠄎二音之為秘原

有并字即卒

音卒

卒

音保卒

卒

音族

三

音乾

三

音回

公

音別

雖

非

數

名

亦

妙有適合然不全耳因于字類求其相近可假借者編
成一百誦注記筭乃易易也太西氏十字皆只一畫作

一 二 三 十 卅 〇 一 八 九

不煩兩筆亦取其簡便耳

刃乃諸家新造 諸家字書皆造一刃字音務鄭漁仲
曰列也又作𠄎又作𠄎荔瑒从刃協𠄎从刃說文有荔
無刃故荔瑒不得其聲故曰𠄎券从刀智按荔从力耳
且曰荔子非刀不割尤為牽強如颿之風不叶而凡叶
故又作帆至鳳之以凡則建類也

建類者式鳳之類也 貫休曰書家作字省文如鳳皇
鴛央廟郎下一字俱省其例起于六書建類如弋字以
弋聲而弋弋非聲以弋為建類鳳从凡聲而鳳非凡聲

以鳳為建類也

漢隸隨筆之異

隸釋所載急就章曰自三蒼洵喜亡

李斯作蒼頡篇揚雄作訓纂篇賈鮪作洵喜篇名曰三蒼鮪者漢和帝時郎中以隸字寫三蒼隸法始廣小

學不絕如綫字書行于今者篇莫加于類篇韻莫善于

集韻所載隸古以石刻校之則攷摭尚多脫畧隸法皆

以悠作悠此碑又省作悠稽之篇韻咸無焉聊因論此

擬急就之一章云洵喜悠悠獸齶繼

洵喜悠悠獨無繼出袁良孫叔敖司

馬君鄭固劉寬揚厥碑一字有數出處不再見隸灑乖離另束世

隸法乖離昉中世出繁陽

令無極山張納孔眈表
駢異昇新隊寅童
駢異爭新墜
筆意出周憬

陽著韓勅孔眈繁陽
斷據盈藉載廬感
斷據圖藉載一
令戚伯著樊毅碑

靈堂元賀魯峻
氏義農出費汎
邦愛禹
出鄭固
祝睦平輿令碑

帝堯孔
縵蓉龔
終春秋出孔宙
陳郟魯
陳郟魯出揚震
宙碑

彘暴癘
剗暴贏出潘乾
禽廟樹
禽霸楚出孔眈
孔宙郭仲奇碑

基宇恢出劉修
啓劉祚出逢童
皐夔棄
皐夔棄
孔眈靈臺碑

劉寬剗
晁甌駁
朝粥聚出揚厥
頌葉曹出逢童
張壽孫叔教碑

碑
衮孟呂
衮孟呂出王純
秉奠禮
秉典禮出帝克
景謁者孟郁碑

垂律

瘦

垂律度出孔耽
樊敏孟郁碑

便術顯

儒術顯出魯峻
孟郁郭仲奇碑

尅據屢

爵祿屢出

熊君度尚
李翕碑

風雲霜露呈電燿

風雲霜露呈電燿
郭仲奇衡方李翕商彪周

憬孟 盪遵壺光璵鼎爨

盪遵壺光璵鼎爨
一字出韓勅餘出孔宙揚統三

公山孫
根碑

黍稷香馥慶血犧

黍稷香馥慶血犧
史辰袁逢祝睦次二字靈臺

下帝 滌濟蠶祀盧響題

滌濟蠶祀盧響題
孔彪蔡湛帝堯孟郁孔和碑

鳥獸習鮪鳩麟龜

鳥獸習鮪鳩麟龜
公房靈臺唐扶孔宙戚伯著碑

邊通達遭過躋

邊通達遭過躋
唐扶宋恩式梁馮煥劉熊碑

淵濶闕

真表出少

測深闕與表出之出袁良孔謙
吳公韓勅唐扶孔耽戚伯著碑

凡此之類皆

非假借字書所不應棄蔡伯喈奉熹平之詔列鴻都之碑晚學咸所取正未嘗一字好奇也如前急就雖曰漢人典刑亦石經之所不取今之學者事不師古乃緣手隨筆變點畫暮偏苟以取新尚怪為能閒有所據不過魏晉以後字體爾此膏肓之疾也弘農太守張君碑釋文曰漢人用字有假借者有通用者有奇古者有變易偏苟及減省者隸釋皆已表出其間點畫小異尋之而可識者皆不復釋如此碑農上安西之類是也顏之推

論揖下無耳鼓外設皮離則配禹皋分澤外咸以世俗為非今隸字皆然蓋各是一家之書不可拘以古法也

其詳已類之隸韻略舉數字于此平聲則窄窄靈靈通

通濡濡遷遷上聲則響響覽覽秉秉啓啓典典去聲則


撻撻據據裔裔孟孟驗驗愛愛入聲則術術屬屬隲隲陟陟惻惻

壘壘凡魏字山皆在下魏字却有山在上者惟字皆从

心獨尚書維字从系爾智以永叔集古時記異文如識方銅辭隕納鄉邨之類宗資宋均且合為一非子靡子

定是秦先南豐翁考曲紅李翕岡久證三之說東觀論
定文參任胤王純州輔成陽仲定之實廣川致辯孫饒
高朕歸漂園祿自亮矜寡乃憲既延之故洪景伯所釋
尤詳而文徵仲尚言蕩陰張君碑金石隸釋皆無其文
升菴言魯峻碑陰歐趙洪皆未收入以余所見徃徃有
之或是宋元人倣古耳至如墮淚碑潛作潛逮作逮寇
作寢眾作从寅作寅大歷扶風夫子廟碑子作塙唐作
跌遊作選曹作曹碧落寺碑尤尚古僻皆後人追放前

跡多有取法竒矯而失其本指者自泰山之以隔為融
吾即以不信矣況後來者乎周時列國各有造書秦并
天下但令从秦篆而已李斯之法行于世書碑之事自
有任之者何所見為斯自書邪少溫僻古故作驚服言
耳豈有李斯之學而偏借隔為融者乎余故錄此二則
使人知分隸之變大槩如此萬勿采以行文也



通雅卷二